

LISWAYO LABU KETALIZOHO



Ha lu inamiseñi litho zaluna cwale kwa tapelo.

² Ndate ya Musa yakwa Lihalimu, wena Mulimu Yamata kaufela, Yana zusize hape Jesu Kreste kwa bafu, mi u Mu tizize ku luna mwa mazazi a maungulo aa, mwa Mata a Moya o Kenile, lu itumezi ka mipotelo yemituna ye ya Mulimu ya sa palelwi. Mi cwale, Ndate, lu talimezi hola yeñwi, hola yekona kufetula libaka za Kuyakuile ko kulibile batu babañata.

³ Mi ka kuatumela se, Mulena, lu taezwi ki mata. Kakuli, ki mwa Mañolo, mo kuizwe, “Ngunyana na ngile Buka ni ku mamulula Maswayo.”

⁴ Mawe Ngunyana ya Mulimu, lwa lapela. Lu biza ku Wena, Mulena, Muliululi yomotuna. Taha u lu bonise mulelo wa pulusto ya Hao yapatilwe hala lilimo, u lu kwalulele Liswayo la Buketalizoho le busihu boo, Ndate, mi u lu patululele sesili mwata Liswayo lani; kuli lukone kuzwa lu li Bakreste babande kufita mo luinezi cwale, lukone kuswanela hande musebezi o libelezi kwapili. Lwa kupa ka Libizo la Jesu. Amen.

Ha muine.

⁵ Ki mazibwana, balikani. Ni lemuha kuli le ki lithoho lelituna kuba mo bo busihu, mwa mukopano tuna woo. Hani zibi sibaka ko Ni kona kuikutwa hande, kwanda akuba kwa musebezi wa Mulena. Mi cwale ka kutaha sihulu fa lituto zon ze lusweli kulibelela; haiba Na si ka ni patululela Zona, Ne ni sike na mifa Zona. Ha ni liki kuitusia yeñwi ya mihupulo yaka ku sesiñwi; konji kuya fela ka Mwa ni fela Zona. Yeo kona niti. mi Na—Na ziba hande, ha Ni sa itusisis minahano yaka, mi I taha ka mo I tahezi. Mi mwahala bupilo kaufela ha Li si ka fosahala fateni. Halina kufosahala neba ka nako yee.

⁶ Cwale, lu itumela hahulu ka bunde, ni ka Sa lu ezelize, lizoho lelituna le li makaza la Mulimu yapila! Kiñi hape zekona kuba zetuna, lukona kuba sicaba se si lithonolo kufita kai, kwanda kuba ni Mulañ'a malena, Mubusisi wa babusisi mwahala luna?

⁷ Neluka lizaka lipindo ni—ni kupepelisa lindembela, ni kuyala masila ni lika kaufela, kuli Mueteleli wa naha atahe mwa tolopo. Kono, munahane fela, zeo zakona kuba hande, mi ikona kuba likute kwa tolopo.

⁸ Kono munahane. Mwa tabernakele yaluna yelikani ye ishuwile, busihu cwana, lu mema Mulena wa malena, Mulimu. Mi ha lu. . . Ha lakazi masila kuli ayaliwe, ni zeñwi cwalo. U lakaza lipilu ze ishuwile kuli i yaliwe, ili kuli A ikungele lipilu ze ishuwile zeo ni kupatulula ku zona lika—lika zende Za bulukezi baba Mu lata.

⁹ Cwale, lu kupile. . . Mi Ni nani bupaki bo Ni tabela ku—ku fa. Cwale, haiba Ni fosa fa taba yee; kona Ni sa zo liutwa fela, mi hakulata Nakona kufosa ka zona. Kono Ni sepa kuli sicaba siteni mo, bona bao bupaki buama.

¹⁰ Mi he, mazazi nyana afelile, hane Nili kwahule ni lapa cwale, mwa—mwa Arizona, ne lu amuhezi pi—pi pizo yakuli nekuna ni mushimani yana kula fibeles yemaswe. Mi zeo lifita kwa pilu. Mi nali ya. . . Bondatahe ni bomahe ki batu babande luli, balikani baka babande luli. Ne li a. . . alimuñwi wa madikoni baluna mo, ba keleke, Muzwale Collins. Mushimani wa hae, Mikey yomunyinyani, mulikani wa ya bapalanga ni Joe, na katazwa ki fibeles yemaswe ya kwa pilu. Mi baalafi ba mu kutisa kwa hae, ku yo mu lobaza fa mumbeta, ni kubulelela bashemi ba hae basike ba mu zusa, hakuna neba kunanula toho ya hae, kunwa neba mezi. Na nwela mwa mupila; na kulile maswe. Mi bashemi, ka kusepahala, ba tahanga ona kwa tabernakele kwanu, mi ba lumela.

¹¹ Mi masihu nyana afitile, kusina kulibelela, ne lu zibisize kuli sebelezo ya foliso ki la Sunda. Kono, ka kubona kuli nelu lukela kualaba lipuzo, kacwalo he neluna ni ku kansula sebelezo ya foliso.

¹² Mi cwale Ne ni na ni taba yene Ni ipulukela mwahali, mwa pilu yaka.

¹³ Mi bomahe ni bondatahe neba bata kuziba haiba ne ba ka tisa mwana mwa—mwa sibaka. Mi batisa mwanana kwani, mi Moya o Kenile wa bulela kuli u folisizwe.

¹⁴ Mi kacwalo, bashemi, kakuba ni likute la zeo, baisa mwanana ni ku mukenya sikolo, ba muisa fela kwa sikolo.

¹⁵ Mualafi amu swala, kacwalo mualafi na si ka tabela taba yecwalo yeo. Kacwalo, abulelela bomahe kuli mushimani ulukela kulobalelela mwa mumbeta, eeni sha. Mi amufa likande. Mi Ni sepa muuna wateni, Na utwisisa, ki mulumeli wa Mukreste, ka kopano. Wa—wa tumelo ya Seventh-day Adventist, ki dokota. Mi kacwalo ali, “Kihande, u swanela. . . ki nako ya mwana, kuli ni li tatulule.” Ali, “U swanela kuba, kuli, a tatubiwe.”

Bomahe bali, “Kihande luli.”

¹⁶ Alobaza mwana fafasi, mi dokota a mu tatuba, mwa mali, mo ne kuna i fibeles ya bukute. Mi kacwalo Ni utwisisa kuli dokota na mbwetukile hahulu mane apalelwa kuziba sa kueza. Mushimani yani saiketile handende, ufolile, uiketile, ha ku. . .? . . . na ze fumanwi.

¹⁷ Cwale, kana baha Collins bateni mo? Mwendu ni bulezi ka mafosisa. Ni bata. . . Kana ku cwalo, Kezeli Collins? Eehe. Ku lukile. Eehe. Yani ki yena Mikey Collins yomunyinyani, sa na ni myaha ye silezi, yesupa ya kupepwa.

18 Mi zeo za ezahalela ona mwa sibaka sani, ki masihu amalalu fela afelile. Oh, nebana. . . Nekuna ni kuba ni Mutu mwa muzuzu wani kwanda mutu fela! Ne li yena—yena Jehova yomutuna, yeo ki niti, zeo litaha kwa likute la Linzwi la Mulimu. Mi Ni—Ni itumela hahulu ka kuutwa cwalo. Mwabona? Ni ziba kuli kaufela mina mwa itumela. Ha ki na fela, kono kaufela lu cwalo, kakuli kucwani kambe yoo—yoo mushimani neli wa hao kamba mushimani waka?

19 Mi, muhupule, Ni fa bupaki, sina fela alimuñwi, ni kunga alimuñwi fa ni yomuñwi fani. Za ezahala kaufela, kono ka ku mi zibisa fela kuli—kuli bulumiwa bwaka ki bwa foliso ya Bumulimu. Kono mina. . . Nitile mo kwa Maswayo. Kakuli, kasamulaho nyana, mu ka utwisisa libaka le Ni na ni kueza cwalo. Mi, kacwalo, Ha ni muluti, Ha ni munituti wa zabulapeli. Ni—Ni lapelela fela bakuli, mi Ni lata Mulena. Mi cwale, cwale ku se, niha, zeo. . .

20 Maabani busihu nelufile bupaki bwa musizana yomunyinyani. . . Ni na ni libizo la hae. Mi Billy una ni lona mo cwale, kokuñwi, la mushemi ni bao bali bona. Mi musizana nyana yo na katazwa ki matuku a kansa yamwa mali, neli fela. . . Ne li maswe hahulu kuli ne ba palelwa ku muciseza lico kwa mulomo; na lukela kuba. . . mali a haena kenyiwa mwa misinga. Mi nali kasizana kakande luli. Neli mwanana hahulu kwa siyemo sa hae, mwendi inge musizana nyana yainzi fa yoo, Na sepa. Kono neli yomutelele sina *cwana*, luli. . . Ne bali mane inge luna. Nemuka ziba ka mutinelo wa mwana, kuli. . . ni bashemi, kuli neli babotana luli, babotana luli luli, mi, kacwalo, kono ka likute luli. Mi Moya o Kenile wa patalaza kuli mwana na folisizwe.

21 Cwale, munahane fela ka zona, ka kansa ya mali, yena mwanana yani. Mi mali neli amaswe hahulu ne ba palelwa ku mucisa lico mwa mulomo ni hanyinyani. Nenina ni kuya, kwa sipatela ni kunga mali, kamba kubeya mali ka kuzwa mwa misinga, kona mwa na cela; Na sepa, mezi a shuka, kamba neli sikamañi kaufela. Ha ni zibi kuli ki mabizo mañi a butuku bwani, kono, konohe, na fepiwa ona cwalo. Mi mwana a si ka zwa kale mwa sibaka, a lilela liñende.

22 Mi bashemi, bamano utwa Moya o Kenile, ka za kuli SA BULELA MULENA KISONA, mwabona, seba. . . Mi, bona, baenyi, mane ne ba ziyo linako zani. Kono bona. . . Bo—bo mutu ni musala hae lapa lelinde babasa zo ina mwa lipula, mizuzu nyana yefitile, Muzwale ni Kezeli Kidd, na ba laezi mwa kuezeza, ni za ku teezeza. Mi mwana aicela lico za hae hane baya kwa ndu.

23 Mazazi amabeli kamba amalalu kuzwa fani, kwa sikolo. Mi a ka ya ku dokota, mi dokota a mbwetuka maswe! Ki hali, “Mane hakuna neba mulaini wa kansa mwa mali yefumanwi ku mwana.” Mwabona? Cwale, zeo ki likezahalo za sipundumukela,

ona foo, Mata a Mulimu Yamata kaufela, kunga mali ni ku atapisa, hande ona cwalo, ni—ni kubeya kunata kwa—kwa bupilo bobunca mwateni hape. Kakuli, mali—mali a hao kona bupilo bwa hao, ka butu. Ni kubupa maselu a manca, ni kutapisa a kale! Mi—mi kinto mañi, yeo luli. . . Ni ka bulela cwana, ki kezo ye ezwa ka butali bwa Mulimu Yamata kaufela; kuli ange—ange mali a kopani kopani ni kansa, kuli konji mwana wateni, sa li fela mubala wa buñatalukeke, ni kululuha, mi, ka nako fela ye likani, mali amanca abuba!

²⁴ Na lumela. . . Hanina kubulela ka Libizo la Hae; Ni ka i bulela mwa. . . mwa sinulo ya tumelo yaka, ze ne ezahalile kwa Sabino Canyon zazi leliñwi. Ni lumela kuli hola ya atumela, foo mahutu a pumehile kwateni aka kutiswa, ni Mata a mande a Mubupi. Na—Na lumela, haiba Akona kueza kamale kubonahala, ka kasina. . . Ki yo fa muuna kamba musali, ya na ni kalulo yesiyo kuyena. Mi yani ki folofolo ye kwanile, ka yona luli. Ki Mulimu. Na—Na Mu lata.

²⁵ Kihande, cwale, Ni kale ka lituto zani, lukashana luzwelapili fela kumbombola. Kanti sicaba siyemi kwa limota, ni kuyema mwa miyaho ni libaka, ni zeñwi cwalo, konakuli Ni ka kalisa fela kapili mwa Liñusa.

²⁶ Mi Ni bata kubulela cwana, mi Ni bata kufa buitumelo ku Yena Yamata kaufela. Mi, zeo, kacenu, kusina kubiza neba taba iliñwi ka za Liswayo la Buketalizoho lani, Li tahile ka mukwa oswana wani, kakusasana cwana, neli fela hola li si ka pazula kale, hane Ni li kwande mwa litapelo. Mi kacenu. . .

²⁷ Ni bile ni inzi fela mazazi a ketalizoho kamba a silezi a mafelelezo, mwa muzuzu, kusina kubona mutu. Ki kuya fela ku yo ca lico zaka ni—ni mulikani, ni babañwi ba balikani baka kwanu. Mi, eni sha, mwa ziba kuli mulikani yani ki ufi, ki Muzwale ni Kezeli Wood. Eehe. Mi—mi mwa ziba, mi Na ya teñi kwani ni—ni kuisa ni bona, mi mañi ni mañi babile babande. Mi ha ku si kaba sikamañi kaufela, kwanda kuba fela. . .

²⁸ Ni lika kuina hande ni Liñusa la Maswayo aa. Ki kwa butokwa. Na luma ki—ki hola ya nako ya kupatululwa kwa Zona, ki nako ya sinulo ya Zona.

²⁹ Mi cwale Ni bata kuli mu utwisise cwale, kapili, ka nako, kapili fela mo mu konela, muñole ze mu sa utwisise kaza—kaza Maswayo Asupa aa, haiba muna ni ze cwalo, ni ku libeya fa sipula. Mi mwendi Muzwale Neville kamba yomuñwi wakona kubeya likwati fa. [Yomuñwi uli, “Ki le fa likwati.”—Mu.] Oh, kile—kile, Na li bona cwale. Zeo ki zende. Kihande ni be ni zona busihu boo, kuli Nikone kubala mwendi ka zona hanyinyani, la Sunda kakusasana. Cwale, musike, nako ye, ka yona nako yee, musike mwa ni tiseza likupo, kuli, “Kana bupaki bwa Moya o Kenile ki sa *kuli* nji?” Mwabona? Ni—Ni ka tabela ku ziba, se Ni lutile fateni, mwa bona, kuli lukone kuba ni tuto iliñwi ye

(sina masikaa likeleke) hande, mwabona, kakuli kona ze lusweli kuambola cwale.

³⁰ Cwale, inge ha ne lu ka lapelela ya kula, kipeto seo singa sibaka mwendi ka—ka tapelo yeshutani. Mi wa toziwa, utahela libaka lisili, mwa ziba. Mi ubata Mulimu, kuli ufumane haiba, “Ku kaba mutu yomukana mo busihu cwana, Mulena?”

³¹ “Eehe, ku kaba ya tinile ndelesi ya mubala wabu ñandatalukele, ya inezi kwa lizoho la bulyo mwa lilulu. Mi ha u bubiza, u mu bize *cwana*. Ni kubulela *cwana* ni *cwana* za ezize. Mi una ni sa *kuli-ni-kuli*.” Kipeto waikela u yo bona, mi kiyani uinzi fani. Mwabona? Ki fo cwale, mwabona. Kwa shutana. Mwabona?

³² Mi ka nzila ye, Na lapela, “Mulena Jesu, ki toloko mañi ya Se? Ni patululele Sona.” Amen.

³³ Cwale ha lungeni Mikwale yaluna—yaluna hape cwale, ni, Linzwi.

³⁴ Mi Na itumela ka tuso ya moya ya Muzwale Neville, hamoho cwalo ni lilato la hae la sizwale, ona kwanu kwa mulaho waka, hasweli ku ni lapelela. Ni za mina kwande koo kaufela, hape. Mi, cwale, busihu boo kakuba la busihu bwa la Bufaifi, luka lika, lueze fela sina . . . luna . . .

³⁵ Ha ukoni kufita fa lika kaufela. Hau . . . Kakuli, wakona kunga Sani, iliñwi fela ya Maswayo ani, mi kuina, fela—fela ki ku Atisa hande mwa Mañolo, ka swanelo. Mwabona? Ikona kutanda likweli ni likweli, niteni hamukoni ku Li feza, kakuli ki—ki Liswayo Kasibili kona le li tamahanya Mañolo, kuzwa kwa Genese kuisa Sinulo, Liswayo liliñwi la Ona.

³⁶ Kacwalo se Ni lika kueza, ki se, kuba kwahule ni Sona, Ni ka ñola Mañolo, kamba—kamba kaemba nyana ka pampili fa, ni kuba kwa . . . Kuli ni inelele fela fa nto iliñwi yeo, Ni lukela kutokomela hande, kakuli, Na fela . . . Kubulela, Ni bulela ka—ka mukwa . . . Ni—Ni sepa ku susumezo ye lukile. Mi cwale ha Ni—ha Ni talima fafasi kuli nibone . . . Mi Ni—Ni kala kubulela, mi Ni ikutwa kuzwa mwa tuto, Ni ka fetuha, ni kotalima neku leliñwi, kuli ni nge Liñolo leliñwi, kuli nifite foo, mwa bona, kuli ni li nolofaze kwa neku leo, kufita kulika kuzwelapili ni seo.

³⁷ Mi kacwalo cwale lu ka bala bsihu boo, ka muhau wa Mulimu, ka tuso ya Hae, kaza—kaza Liswayo la Buketalizoho. Mi Ki ye kuswani. Ki yetelele nyana kufita yeñwi. Bapahami ba lipizi babande, cwale, neli litimana zepeli mwa butelele, mi ye ki litimana zetalu ku iliñwi. Cwale, Liswayo la Buketalizoho la kalisa, kauhanyo ya 6 ya Sinulo timana ya 9.

³⁸ Mi, cwale, haiba kuna ni kuba—kuba muenyi ya si ka utwa kale za bapahami babane ba lipizi baa, kihande, wena . . . Mwabona, fokuñwi uka—uka kuta fela kwa mulaho ni—ni kukalisa kulatelela cwalo, mi, ha ueza cwalo, u kulubela sicaba

kuli si Li utwisise. Kacwalo haiba kuna ni taba nyana yo sa utwisisi, kihande, ki kuitiisa nyana fela kihona. Kamba, ikungele tepu u yo I teezeza, mi—mi Na sepa hande uka—uka ipumanela mbuyoti ku Yona. Ni bile cwalo. Na—Na sepa kuli muka—muka eza cwalo.

³⁹ Cwale, mañi ni mañi muitukise, kukala ka timana ya 9 cwale kuisa kuya 11, kamba hamoho ni ya 11.

Cwale ha mamulula liswayo la buketalizoho, Na bona mioya ya baba bulaezwi linzwi la Mulimu, ni bupaki bo ne ba na ni bona:

Mi ba huwa ka linzwi lelituna, bali, Ukanga nako yekuma kai, Wena Mulena, ya kenile yana ni niti, u sa . . . atuli u sa lifisi mali a luna ku ba ba yahile mwa lifasi?

Cwale bafiwa yomuñwi ni yomuñwi sapalo se si sweu; mi ba bulelelwa kuli, ba pumule nako ye—ye nyinyani, mane palo ipetahale ya balikani . . . ba bona mwa sebelezo, ni ya banabahabo bona ba ba ka bulawa sina bona.

⁴⁰ Cwale, ye cwale kwateni ki ya kunutu. Mi cwale bakeñisa matepu, ni baana baba itutile babaliteni moo, cwale, haiba muna ni mubonelo o shutana ku Wo; Nina mane, kimo ne ni belanga. Kono Ni sweli fela ku Li nga ka susumezo, ye cincize mubonelo waka ka Zona. Mwabona?

⁴¹ Mi cwale Ni fumana kuli, hamunze mubona ze ha li patululwa, Li zwela fande ni kutisa masika a likeleke ani ni Mañolo kaswanelo hamoho, ni ku Atamahanya hande. Mwabona? Mi leo kona libaka ha Ni lumela kuli Li zwelela ku Mulimu. Cwale, lu lemuha cwalo.

⁴² Mi Ni nahana kuli linako zeñwi luitingetanga ku za kile abulela muluti yomuñwi yomotuna ka Zona. Mwabona? Mi zeo li—zeo lilukile. Ha ni nyazi muluti, mane ha ki cwalo. Mi ha Ni nyazi mutu ufi kaufela. Ni nyaza fela sibi, kusa lumela; ha ki mutu niyomukana.

⁴³ Mi batu babañwi baize, “U nyaza hahulu likopano.” Batili, Ha ni li nyazi. Ni—Ni nyaza mulao wa likopano; isiñi sicaba sesli mwani, sikwata sa batu se si panga kopano, mwa ziba. Kono mulao o ba busiwa ka ona, kona o Ni nyaza, Katolika ni Muipanguli, ba swana. Mawi! Nibile . . .

⁴⁴ Babañwi ba balikani babande be—be—be Ni ziba mane, ki Makatolika, fela . . . ? . . . Kana mwa ziba . . . Mi hakulata muuna yani wakona kuba mo busihu cwana, mwendi uteni. Mo ne lu yahezi fela tabernakele ye, kakuli Mukatolika wa Roma na yemi ka mahutu mwa kuta mwani, ni kuya kwapata aka, mi, mushimani, inge kuli hakuna ya na ka eza cwalo. Yeo ki niti. Mi ne ba palelwa ku li hana. Yeo ki niti.

Mi ali, “Ne ba bile ni palo yateni, ‘Neli batu babañata hahulu.”

45 Ki hali, “Oh, yeo haina kueleza neba babamashumi a ketalizoho ka zetalu mwa keleke yani, sina cwalo.” Ali, “Keleke yani i yemi kwani.” Ali, “Na—Na mu ziba mulisana, ni zeñwi kaufela ze cwalo.” Mi ali, “Keleke yani ibile teni kwani.” Ali, “Mina kaufela mwakona kueleza ku yona, cwale bona ba ka palelwa cwani?” Kiwa Roman Catholic, mulikana ka yomunde. Mwabona? Eeni, sha.

46 Mu—mu mushimani yali wa—wa Katolika, mulikana ka ya ishuwile luli, na sweli kuambola kuna. Nana ni sintolo se si lekisa libyana za kuyahisa; Ni si ka ya kale. Ki hali, “Billy, Na—Na ziba ha u lumeli mwa mulao wa bulapeli bwaluna.” Ki hali, “Kono Na ku bulelela cwale,” ali, “Mulimu u kutekile litapelo za hao hahulu ka luna! Na lumela, haiba uba mwa butata kai kamba kai mwa naha,” ali, “Katolika ifi kaufela mwa naha ika taha ku wena.” Kacwal, mwa bona, zeo ki . . .

47 Ki hali, “Sifapano kaufela sa kwa mukokoto,” kona mwa na libizeza. Ni ka li bulela fela mwa na li bulelezi. Kakuli, ba ipapata kuba cwalo kakuli Bakreste ba makalelo ne ba lwala lifapano kwa mikokoto ya bona. Lwa ziba cwalo ka litaba za kale. Mi ba ipapata kuba Bakreste ba makalelo, luli nebali cwalo mane, kono mulao u ba zwiseze mwa nzila yeo, mwa bona.

48 Mi cwale sicaba sani, sa Katolika, kamba Majuda, kamba seo sili sona kaufela, ki batu ba ba zwa kwa kota yeswana kona ko luzwile. Mwabona? Yeo ki niti. Ki—ki sicaba se si lata, ni kuca, ni kunwa, ni kulobala, mane sina mutu yomuñwi kaufela. Mi kacwalo ha lu lukeli kunyaza mutu, batili, batili, neba yomukana, mwabona. Kono, ha lu swaneli kunyaza mutu.

49 Kono, kakuba mukutazi, Ni lukela kunata noha yani kwani, ye sweli kuluma sicaba sani, mwa bona. Mi Ha ni—mi Ha ni ezi mane . . . Fela na, nina, Hanikoni kueza cwalo kambe ha ki tumo yezwa ku Mulimu, kona ha Ni tamehile kueza cwalo, mwabona. Mi Ni lukela ku swalelela ku yona ka niti ni ka kusepahala.

50 Kono haiba Mukatolika, Mujuda, kamba nali sikamañi kaufela, ha ka taha kwanu; haiba ki wa Mohammedan, Greek, kamba Orthodox, kamba kaufela sa kona kuba sona. Haiba utaha kwanu ku to lapelelwa, Na kona ku mu lapelelaa fela sina mo Ni kona kulapelela bahesu. Yeo ki niti. Kiniti, kakuli ki mutu ni yena. Mi Ni lapelezi baha Buddha, ni ma Sikhs, Jains, Mohammedan, ni—ni mufuta kaufela, mwa bona, ona cwalo. Mi ha Ni ba buzangi lipuzo; Ni ba lapelelanga fela, kakuli ki batu, mutu ya bata kuba hande, ni kulika kueza bupilo bwa hae ka bunolo nyana mwa nzila ya hae.

51 Cwale lwa lemuha, kuli, ku se, ni buñata bwa mina mo Na ziba, kuna ni bababeli kamba babalalu neba kufitelela baituti babaliteni mo. Mi—mi ba talifile, mi ba balile mwa—mwahala

lituto za batu babañwi. Mi Ni bata mizwale ye kuziba kuli Hani—Hani nyazi baana ba. Ni bulela fela za ni bonisa Mulena. Mi kona fela ze Ni nani kihona.

⁵² Cwale, ha lu lati kunahana cwalo, kakuli musali yomuñwi ya tapisanga kamba—kamba mushimani yomuñwi yakekelanga kwani, upalezwi ku amuhela sinulo ku Mulimu. Kakuli, mwa bona, ki . . . Mulimu, Yena luli u ipatulula Iliyena mwa bunyinyani. Zeo kikuli, neluna ni zeo la Sunda, kuli lukale kalele fateni, kwa Mo Aipatululelanga Iliyena mwa bunyinyani. Kona ze Mueza butuna.

⁵³ Cwale halu—halu boneñi nieze fela . . . Haluboneñi ni kutele fateni fa muzuzu fela. Se si panga Mulimu butuna, kakuli Wakona ku Ikusufaza ka bunolo hahulu. Kona se si Mu eza kuba butuna. Mulimu ki yomutuna, mi Ukona kuikeza yomunyinyani hahulu mwa buino bobu bunolo kuli babutali ba lifasi le bapalelwa ku Mu fumana. Haba koni fela ku Mu fumana, kakuli U Ikezanga yomunyinyani hahulu. Cwale a mutalime. Mi ye, ku yona, kona sinulo ya Jesu Krete. Mwabona? Se, ku sona, ki kuli . . . Kuna ni . . . hakuna zekona kuba butuna kufita Mulimu. Mi hakuna semukona kukusufaza mwa buyinyani hahulu sina Yena Mo Aikezeza bunyinyani. Mwabona, kona ze Mu eza butuna. Mwabona?

⁵⁴ Cwale, mutu yomutuna, wakona kuba fela yomutuna nyana, kamba mwendi ukona kukusufala hanyinyani ni kubulela kuli, “U ikutwa cwani?” ku wena, mwabona, kamba nto yeñwi ye cwalo. Kono hakoni kuikeza yomunyinyani. Kuna ni fela nto yeñwi ka yena. Yena ki mutu fela. Hakoni fela ku i keza bunyinyani. Kakuli, ha ba yomunyinyani hahulu, kipeto, nto yapili mwa ziba, una ni kuswanisisa ku sa ezize mutu usili, ni ze cwalo. Mi kipeto ukala ku comoha mwateni hape, mwa bona.

Kono, nzila ya ku kambama ka yona ki kushetumuka, ku Mulimu. Eeni.

⁵⁵ Butali bwa lifasi ki kulika, mwa butali bwa lona, ku Mu fumana. Ba ka pahama fela kwahule ku Mu fitelela, ka kueza cwalo. Mwabona, butali bwa lifasi, haiba ulika kutatulula sika ka lipalo kamba nto yeñwi. Muhupule, Yena mane ubeile . . . Mwa Bibe, mwa Sin- . . . Batili, mu Ni swalele.

⁵⁶ Isaya 35, Na lumela ki yona, kuli mane ki ye—ki ye bunolo luli kuli neba mu—mu—mu icambaeli u ka Li utwisisa. Mwabona? Oh, “Neba sikuba hasina ku sitatala ku yona.”

⁵⁷ Ba butali ba li mbwinjezanga kwahule, ka butali bwa bona, baya kwahule kuzwa ku Yena, ka kulika ku Mu fumana ka butali. Cwale, musike mwa libala zeo. Zeo lika tepifiwa, mwabona. Baba butali, mwa butali bwa bona, baikataza kuya fahule ka kulika ku Mu fumana ka butali bwa bona, ba Mu mbwinja, mwabona. Haiba hakona kuba babatuna kuli babe babanyinyani, ne ba ka Mu fumana. Haiba u yomutuna hahulu

kuli ube yomunyinyani hahulu! Mwabona seo? Mi, mwa ziba, yeo—yeo luli ki Niti.

⁵⁸ Ni ile kwa sicaba, mwa liofisi za bona, ni zeñwi cwalo, bene bali baana sakata, babatuna, malena, mwabona, ni baika, babusi, mi hañata bao ki baana babatuna. Mi, Ni ile mwa libaka koo mutangana na sweli kucinca liapalo, mwendi neli mukutazi yana bata ku kanana ni na fa nako nyana, mi ukona—ukona kunahana kuli lifasi halikoni kubeleka kusina yena, mwabona. Ni kuli—kuli koo ki kui kuhumusa fela kwa toho, mwabona. Kono, mu—mu mutu yomutuna, muuna yomutuna u ka ina fafasi ni kulika kueza wena inge kuli ki wena muuna yomutuna. Mwabona? Mwabona, wakona ku ikokobeza.

⁵⁹ Mi, mwa bona, Mulimu ki yomutuna hahulu kufitela Akona ku ikokobeza Iliyena, sibaka, foo mutu akona kupahama fahule cwalo, mwa bona. Ku felile. Mi ona mwani . . .

⁶⁰ Mi balika ku Mu fumana. Cwale amutalime. Balika ku Mu fumana ka kuluma bashimani kwa sikolo, ni ku yo amuhela digiri yebizwa Bachelor of Art. Mi—mi balika ku Li fumana ka manzwi a sikolo sa bulapeli bwa—bwa—bwa—bwa Bibebe. Mi balika ku Mu fumana ka lituto za likolo, ni ka litukiso za katengo, ni ka ku kabisa lika, ni kulika kufumana sika. Haayo ku ze cwalo, ni hanyinyani. U sweli fela kulwanisa moya, ku felile. Usweli—usweli kuzwa ku Zona.

⁶¹ Wakona kuba yomutuna kuli abe—abe yomunyinyani hahulu, bakona ku Mu fumana mwa neku leo, ka bunolo. Kono haibile fela ulibile kwa butali, u ya uba kwahule ni Yena.

⁶² Cwale haluboneñi ni ngunyute ku seo kuli musike mwa si mbwinja. Haibile fela ulika kufumana Mulimu ka butali, sina mo ne kuinezi mwa sinu ya Edeni, sina mo ne kuinezi mwa mazazi a Mushe, sina mo ne kuinezi mwa mazazi a—Nuwe, sina mo ne kuinezi mwa mazazi a Krete, mwa mazazi a Joani, mwa mazazi a baapositola, ni kufita ka lizazi lee! Ha u lika ku nahanisisa ka Zona, ni kulika kufumana Mulimu ka butali, uya kwahule ni Yena ka nako kaufela. U lika ku Li utwisisa. Hakuna mukwa wa kueza zeo. Ki ku Li amuhela fela. Mwabona? Ki kuli Li lumela fela. Musike mwa lika ku Li utwisisa.

⁶³ Hanikoni ku utwisisa libaka, kuli, kihande, lika zeñata. Ha ki lika zeñata ze Ni utwisisa kamba ze ni kona kutwisisa. Hanikoni ku utwisisa mushimani yainzi fa yo mwacela lico zeswana ze Ni ca ni na, mi—mi, ki yo fa, una ni milili toho kaufela, Na hanina ni ye kana. Ha ni utwisisi. Ba ni bulelela kuli kalsiamu kona ye eza milili; mi Hani koni kupuma manala aka kwa minwana, ni kukuta milili. Ha—Ha ni utwisisi zeo. Sina pulelo ya kale ha ibulela, Na . . .

⁶⁴ Ha ki kucinca fela sibaka, za kubenda; kono, Ki taba yetuna, kono ha Ni si ka fita kale kwa Liswayo.

65 Kuli komu yensu i ce bucwani bobutala, ni kufa mabisi a masweu, afetuha mafi a mubala wa yelo! Ha—Ha ni koni kutatulula zeo, mwabona. Kakuli, mwa bona, se ki siemba sa sesñwi. Ni mo si ezeza, Ha ni koni ku si tatulula.

66 Hanikoni kutatulula mililima yemibeli mo i yemela, kamba mapalisa amabeli, a lubasi lo luswana, kono yeñwi iba ye fubelu, mi yeñwi iba ya yelo, ni yeñwi iba bufubelu. Ha ni utwisisi zeo. Lizazi leliswana linze limonyeha ku zona. Mubala u zwelela kai? Mwabona? Ha—Ha ni koni ku li talusa, kono niteñi mu lukela ku amuhela.

67 Ni lakaza fela kuli muituti yomuñwi yomutuna wa za bulapeli atatulule ku na lifasi le mo li yemela mwa mbyumbyulu. Ni lakaza kuli kambe nemuka ni yumbela mbola mwa moya, inge kupotoloha, mi ipotolohe habeli, fa sibaka se siswana. Haukoni kueza cwalo. Kanti mane se sa zamaelela hande ni nako kufitela ba bulela kuli ki kukaba kubola kwa lizazi ka muzuzu, myaha ye mashumi amabeli kuzwa cwale. Habana neba waci kamba fa kubonela nako, kamba siemba kaufela sa mushini, se sili hande cwalo. Kono niteñi liyemi fani. Mi, he, li shendami. Kucwani kambe ne ku lika sikuluha hanyinyani? Eehe. U ka ikeza fela bulyangu, ka kulika zeo, mwabona.

68 Kaewalo, mwa bona, musike mwa li ka kunga butali, ku utwisisa. U lumele fela za bulela. Mi haunzo ya mwa bunolo cwalo, kipeto ki wena yoo, uka Li fumana. Cwale, Ni itumezi hahulu ka zeo, ni itumezi kuli U cwalo, u Ikezize ya bunolo luli. Cwale, lu fumana, mwa kauhanyo ya 6 ni timana ya 19. Ha lu kaleñi cwale.

Cwale ha mamulula liswayo la buketalizoho, Na bona mwatasa aletare mioyo ya baba bulaezwi linzwi la Mulimu, ni bupaki bwa . . . bo ne bana ni bona:

69 Mulemuhe, hacusana kubulelwa kwa Sibatana sesiñwi, kamba Sibupiwa sesipila—sesipila, kwa pulelo ya Liswayo la Buketalizoho lee. Cwale muhupule, nekuna ni, fa Liswayo la Bune. Nekuna ni, fa Liswayo la Buketalizoho, Labubeli, Labulalu, ni Labune, kono hakuna ku le. Mwabona?

70 Cwale, haiba mu lemuha, ha lu baleñi fela mwa mulaho nyana, leliñwi la Maswayo. Ha lu kuteleñi fa Liswayo la Bune, mwabona. Mi yeo ki timana ya 7.

Cwale ha mamulula liswayo la bune, Na utwa linzwi la sibupiwa sa bune ha sili, Taha . . . utobona.

. . . mi ha . . . mamulula liswayo la bulalu, Na utwa linzwi la si—la sibupiwa ha si li, Taha utobona.

. . . la sibupiwa sa bubeli . . . Taha . . . utobona.

. . . mi sibupi sa pili sali, Taha utobona.

71 Kono cwale ha lutaha fa Liswayo la Buketalizoho, hakuna Sibupiwa. Cwale amulemuhe fela.

Cwale ha mamulula liswayo la buketalizoho, Na bona mwatasa aletare . . .

72 Kapili cwale! Mwabona, hakuna si—hakuna Sibatana mwateni. Mi Sibatana si yemela puso. Lwa ziba cwalo, mwabona. Hakuna Sibupiwa se si pila.

73 Cwale, silisiñwi sa Libupiwa zani, lu fumana cwana, ka kubala mwa—mwa—mwa sinulo ni likeleke, kuli silisiñwi sa zona ne si na . . . neli tau; mi sesiñwi neli sa—neli sa komu; mi sesiñwi neli sa mutu; mi sesiñwi ne li sa mbande. Lu fumana cwalo, mwa masika a likeleke, kuli Libatana zene zani, ki kotalusa mata a mane, ne li kubukani kupotoloha Likezo za Baapositola, ona cwalo fela ni—ni tabernakele mo ne ibezi mwa lihalaupa. Mi mwa utwisisa, kakuli Hanina kunga nako ya kukena ku zona. Mo lu li swaniselize fa, ni kubonisa hande ka swanelo! Ne li sweli kusileleza Se, Ngunyana ni Linzwi, kueza Limzwi sina fela mo ne liezeza mwa—mwa areka ya bulikani mwa Sibaka se Sikenile mwa lihalaupa, ni zeñwi cwalo.

74 Cwale, mane ne lu bonisize neba ka sibaka, ka mibala ya masika a Isilaele, mi ni ka . . . Ki ba bakai ba ba utwile zesupa—masika a likeleke zesupa? Ni sepa kuli ki babañata, kufitelela licika, buñata bwa mina. Mulemhe, kuli neba sibupeho sa Sibatana neli sisupo hande sa mushobo, ona cwalo fela zene . . . masika a lishumi ka amabeli mwa na tomezwi, amane kwa neku le ni le, kamba—kamba masika amalalu kwa neku lifi kaufela. Mi Libatana zene zaina ni tonela, masika aa, kwa maneku amane kaufela.

75 Mi, halu, lu i lo talima mwa Evangeli, ni kubonisa handende. Ha mu kena mwa areka, ne ba libebelanga aleka, ya bulikani. Mi cwale lu fumana kuli bulikani bwa Keleke yenca, se si Buyemela mwa lifasi, neli Moya o Kenile. Mali na lumilwe sinca, ku luna, ili Moya o Kenile. Mi Libatana zene ne li yemela, mi sina ma—ma masika a twelufu a Isilaele, ka mwa na tokomelelwa. Ni kufumana libupiwa za ona, ni kunga ona sibupiwa se si swana sani ni ku si tisa ku yeñwi ni yeñwi ya Evangeli yani, ona cwalo, neli ona cwalo zeswana. Se ne si ambola kwa tau, sesiñwi ne si ambola kwa komu, mi sesiñwi . . . Evangeli mwa likalulo ze ne! Ki zeo foo. Likalulo zene za Evangeli kona silelezo ya Moya o Kenile. Amen.

76 Ne ni nze ni komokanga kamita . . . Ne si ni katalize. Cwale, ye seli myaha ye silezi, Na sepa, kuzwa ha Ni utwa muuna yomotuna abulela kuli zani neli . . . “Likezo za Baapositola neli fela muinelo wa mubelekelo.” Ni li utwile ha li bulela linako zeñata. Kono kuutwa mutu ka mayem a hae, sina mukutazi mi sina muluti, ya ñozi zeñwi za libuka zezwile mubano ze ba ipalela

sicaba kai ni kai, ni kubulela kuli Likezo za Baapositola ne li sa swaneli kuba tuto ya Keleke!

⁷⁷ Kanti, Likezo za Baapositola kona mutomo tenyene wa Teñi; isiñi muinelo wa mubelekelo. Ki mutomo! Kakuli, Bibebe ibulela kuli—kuli—kuli—kuli mutomo wa Mulimu “u yahilwe fa Tuto ya baapositola,” kiniti, “Kreste, yena Toho, Licwe la mwa lilulu.”

⁷⁸ Mi mutu yo ha na yemi fani ni kubulela cwalo, Na—Na—Na—Na fela . . . Pilu yaka ya kula fela. Mi Na hupula kuli, “Ki kabakaleo.” Kihande, Na bona cwa, mwa Maswayo. Ne li si ka patululwa fela. Ku felile. Mwabona?

⁷⁹ Kacwalo, he, kibani fani, inge ba yemi fani, kono ne kuna ni sesiñwi ka kubulela fela cwalo. Cwale, mulemuhe, ba sileleza.

⁸⁰ Cwale, haluna ni Mateu 28:19, ni kuishetumuna mwa Mateu, ye ne yemela tau. Ni kutaha, mwateni, lwa fumana hande ha ne ba kolobeza ka Libizo la Jesu Kreste. Mi ki Yani nali fani, inza yemi fani ni Liñolo ona lani luli, kuli a sileleze sepo yepetehile ya kolobezo, ka Libizo la Jesu Kreste. Ku lukile. Kihande, Na zwa mwa masika a likeleke cwale.

⁸¹ Mulemuhe. Kono, fa, ha lu taha fa Liswayo la Buketalizoho le cwale, hakuna—hakuna—hakuna mupahami ya na ile, mi hakuna Sibatana se si Li zibahalisa. Joani fela . . . Ngunyana ya I apula, mi Joani a I bona. Nekusina ni yomukana kwani wa kubulela kuli, “Cwale taha, utalime. Taha, tobona.” Mulemuhe, ha ki mata a Sibupiwa se sipila. Kamba hakuna . . .

⁸² Mi kwa Liswayo la Busilezi, hakuna Sibatana se ne si Li zibahalisa. Mi kwa Liswayo la Busupa, hakuna Sibatana se si Li zibahalisa. Hakuna mata a Li zibahalisa. Mwabona, hakuna ya li eza. Ili fa . . . Mutalime. Ili fa . . . Kasumulaho wa Liswayo la Bune, hakuna zibiso yetaha ka mata a Sibatana, kuzwa ku sa Buketalizoho, sa Busilezi, kamba Liswayo la Busupa, hakuna ni yekana.

⁸³ Cwale mulemuhe. Na lata se. Sina mwa linako za mupahami wa lipizi, mupahami (alimuñwi) wa bapahami babane babashutana, nekuna ni Sibatana se ne si zibahalisa mata. Nako kaufela mupahami wa pizi hana belesa pizi yeñwi ni kutaha inza pahami, Sibatana sa mufuta omuñwi ne si taha ku to toza, “Yeo ki kunutu yetuna.” Mwabona? “Yeo kona kunutu.” Kiñi? Kuzibahalisa kunutu.

⁸⁴ Kiñi hakusina iliñwi mo mwa Liswayo la Buketalizoho, kuli li I zibahalise? Ki ye fa, kuya ka sinulo ya ni file Mulena Jesu kacenu, mwabona, kamba kakusasana wo, kamapakela. Zeo cwale, kikuli, kunutu ya masika a likeleke se ifelile kale, ka nako yee. Kunutu ya antikreste i patuluzwi, ka nako yee. Antikreste na sa pahami kale lwa mafelelezo, mi lu mufumani fa pizi yeseta yee, inza kopani ka mibala yemiñata, mi upahama ku yo punya kwa sinyeho.

85 Lu ka linga mwa Litolombita, ni zeñwi cwalo, ha lu ka luta zeo. Ne ni ka ya kuyona cwale, kono lu ka keluhela kwahule ni tuto hape. Mi luka—luka ya . . . u pahama . . .

86 Kona hakusina mutu mwateni. Cwale, haluna mulao o ñozwi, libaka leliñwi la sika. Cwale, mwa hupula, kwa makalo, makalelo, Ne ni bulezi kuli ha ku koni kuba sika kusina libaka. Mwa hupula liloteli nyana la enge? Mwabona? Cwale mu lukela kufumana libaka. Kihande, nekuna ni libaka ha ne basina Sibatana, kamba puso, kuli izibahalise Liswayo le ha li mamulwa. Mi ki Mulimu kiyena yakona kupatulula libaka, ku felile, kakuli Zeo kaufela—kaufela li fumanaha ku Yena.

87 Kono libaka la Li patululela, sina ha Ni utwisisa, libaka ki kuli kunutu ya Buka ya Puluso, kuya ka kupatululwa kwa antikreste; mi ka nako yeswana, Keleke iicongile, mi lika zee mane ha li ezahaleli mwa lusika lwa kelekek, ni hanyinyani. Yeo ki niti. Li—li kwahule ni lusika lwa keleke. Keleke kaniti Iingilwe, ka nako yee. Keleke iya mwa lihalimu, mwa kauhanyo ya 4 ya Sinulo, mi haikuti konji Haiyo kuta ni Mulena'a Yona, mwa kauhanyo ya 19. Kono Maswayo a fa apatulula se si bile teñi, sesili teni, ni se si kabateni. Mwabona? Mi, cwale, sene si lukela kuba mwa lusika lwa keleke, ne si patuluzwi ka Maswayo aa. Mi cwale mutalime se si Siinga.

88 Li—li likalulo zene za mupahami wa hae lipatuluzwi. Likalulo zene za antikreste, kupahama, li patuluzwi ka nako yee, konakuli ha li lukeli kubateni ni hanyinyani.

89 Mi nekuna ni Libupiwa zene zepila za Mulimu, za ku zibahalisa mupahami hane ba pahami cwalo. Libatana zene ki mata a mane. Cwale, lu ziba kuli *Sibatana*, ka toloko ya manzwi a Bibebe si yemela, sitalusa “mata.” Cwale, halunge seo ka tokomelo luli. Zene ki Libatana, mwa Bibebe, ze yemela mata mwahala sicaba.

90 Cwale, haiba lu lemuha, sina ku Daniele, ha naboni naha yeñwi ha i zuha, neikona kuba mwendi bere ye lumile likupo kwa fahali, mwa siswaniso. Mi abona mubuso omuñwi otaha, wa puli. Ne i yemela sesiñwi. Mi abona mubuso omuñwi otaha, mi—mi neli ngewe ye na ni litoho zeñata. Ne i yemela mubuso. Mi abona omuñwi ha utaha, tau yetuna ni meeno, mi—mi ya hatikela ze siyezi. ani ne li yemela mubuso omuñwi, hape. Wo neli mu—mu mubuso wa Nebukadinezare; mi omuñwi, mufuta wa—wa tolo. Daniele naboni pono; Nebukadinezare na lolile tolo. Kono Daniele atoloka tolo ya hae, mi na lumelelana ni pono.

91 Amen! Whew! oh! [Muzwale Branham ukambela mazoho a hae hañwi—Mu.] Kambe fela mwa ziba ze ne ezahalile! Ki sikamañi se si ezahalile lu si ka zwa kale faa? Mwa utwisisa? Kiñi, litolo ze namile hande ze silezi zataha hamoho ni pono. Amen. Mwabona? Ki tolo, ye tolokilwe, ki pono. Kakuli mutu isiñi kuba ya pepilwe ni ngana ya mwahali, kuli hatona wakona

kutalimela, kipeto Mulimu ukena mwa ngana ya mwahali ye ni kuambola ku yena. Ibo, U sepisize kuli, mwa litolo, mwa mazazi a maungulo, Uka potela sicaba, mi hape ni mwa litolo. Mwabona?

⁹² Cwale, pono ki ha u tona, wali kuyema ona cwana, mi lika zeñwi inge lipatululwa. Ni kuyema, ku ba bulelela ka zona; mwabona se ne si ezahalile, ni se si ka ezahala, ni zeñwi cwalo.

⁹³ Kono, cwale, tolo ki ha ulobezi, mi maikuto aha a ketalizoho ha sebezi, mi umwa—umwa ngana ya hao ya mwahali. U inzi kwa sibaka sisili, kauli, ha u kuta, u hupula ko ne u inzi, wahupula bupilo bwa hao kaufela. Mwabona? Kacwalo, ki ngana ya ha ya mwahali. Mi ka swanelo, mwabona. . .

⁹⁴ Sina Congressman Upshaw ha na bulelanga kuli, “Haukoni kuba sika so si sona.” Mi yeo mane ki niti, mwabona.

⁹⁵ Mi, he, haiba upepilwe uli muboni. Cwale, mwa bona, ka kueza zeo, lingana zepeli za mwahali zeo li na ni kuba hande hamoho; isiñi yeñwi *fa* ni maikuto a ketalizoho, atona, yeñwi hape fande *fa* ha u lobezi ni maikuto a ketalizoho ha sa beleki. Kono, mwa bona, bubeli bwa ona, ha upepilwe, hande hamoho, ha una ku yo lobala. U ka zwa fela mo kukeno mokuñwi, ona—ona cwalo. Ha una kuya kwa kulobala. Hakuna sibaka sa ku yo lobala pili. Mi haukoni kuikeza kuba cwalo.

⁹⁶ Kacwalo, “Limpo ni lipizo li lukisizwe ki Mulimu.” Ki za—ki za Mulimu limpo zeo ni lipizo, mane “halitokwi kulibakela,” ku bulela Bibe. Mwabona? Ne li lukisizwe ona cwalo kuzwelela kwa mutomo wa lifasi. Mwabona?

⁹⁷ Cwale, cwale, lu fumana cwana kuli. . . Sibatana, sa Daniele, ne si talusa kuli neli mubuso ono taha mwahala sicaba. Ku lukile. Mi—mi lipono za Joani fa, hape, ne libonisa kuli ne li mibuso, linaha ne li zuha. Sina, United States ha ibonahala mwa Sinulo 13, sina ngunyana. Mi hape haiba mubata kuziba, shutano. . .

Mu li, “Kihande, zeo, li ambola ka mubuso wa naha.”

⁹⁸ Hape italusa mubuso o kenile, hape, ki sibatana. Kikuli mwa ziba cwalo?

⁹⁹ Mulemuhe Rebekah; hana—hana fani mutanga Abrahamama, Eliezare. . . Ha taha ku Rebekah, kiha. . . A belesa kamele ya hae, yona kamele yeswana ya na fa mezi. Mi apahama kamele yona yee, ku yo katanyeza munyali wa hae. Yona taba luli ya na file mezi, ki yona ye ne mulwezi kuya kwa munzi wa hae wa kwapili ni ku muuna hae.

¹⁰⁰ Mi ki nto yeswana kacenu, mwabona. Yona nto yeswana yeo Keleke isweli kufa mezi, ki yona Peu, yona Peu ya Linzwi. Ki lona Linzwi luli le li pila ni ku luisa ku Munyali wa luna ya sa bonahali. Mwabona? Mwabona?

101 Mi mutalime mo li tamahanela hande. Isaka na sa zwile mwa hae, mi nali kwande mwa masimu, kwahule ni munzi wa habo, nako ya mubona Rebekah.

102 Mi ni Keleke ika katanyeza Kreste mwa mbyumbyulu, mi kipeto U I kukutisa kwa Munzi, Munzu wa Ndate, koo libaka li lukisizwe. Isaka na nyezi Rebekah ka nzila yeswana.

103 Mi, mulemuhe, neli lilato ka sipundumukela. Oh, mawi! Amata fela ku yo mu katanyeza.

104 Mi kona ni Keleke mo i ka katanyeza Kreste ona cwalo, mwa mbyumbyulu, mi kamita ikaba ni Yena.

105 Cwale, manzwi a Bibebe, libatana ze ki mibuso. Mulemuhe. Ni bata, cwale, Ni bata kuli mulemuhe see.

106 Diabulosi nabile ni babane ba hae, inza ba cincaka, sibatana sa mibala, kuli siye. Nani ni libatana za hae zene. Zani neli zetalu kuzona kaufela, kubeiwa mwa mubala wa iliñwi, ni kueza pizi iliñwi ye—ye seta; pizi ye sweu, pizi yesoto, pizi yensu. Mi lu boni, ifi ni ifi yazona neli kalulo ya bulumiwa bwa hae, kalulo ya keleke ya makalelo ye ne bupilwe mwa kopano, kwa Nicaea. Keleke ya makalelo ya Pentekota, yona yeo Moya o Kenile no suluhezi, ya taha, ya amuhela moya wa antikreste, ya bupa katengo, ni kupepela kopano bana babasizana. Kucinca mata a hae, linako zetalu, ni ku abeya ku iliñwi, mi abupa pizi ye seta. Mi ni ku mufa libizo la Lifu, ni ku pahama kukena mwa Kuyakuile. Ka kupetahala fela mo kukona kubela! Cwale, cwale mulemuhe, u filwe yona—yona pizi yee, mi upahami ku yona.

Mulimu, Mulimu unani, hape, sina nako kaufela . . .

107 Cwale mutalime. Nako ya bonahala antikreste, pili, na bonahalile mwa sikamañi? Pizi yesweu. Mwabna, kupalañi, mwa na bonahalela kuba yasina mulatu, neli fela tuto mwa keleke. Ne ba bata kutwano. Kutwano ya hao ki kuba ni Kreste. Kono bona ne ba bata kutwano. Ne ba palelwa kuitiisa ka zona, ne ba bata kuba . . .

108 Kihande, mwa ziba, sina kuhohana nyana ko ku taha mwa keleke. Mina, mwa li ziba, mina balisana. Mwabona? Bona, sina ha ba bulelanga kuli, “Linyunywani za mafufa.” Kono haiba lu pepilwe sinca, mizwale, ao—ao ha ki maikuto akuba ni bona, mwabona. Batili. Cwale, luka—luka—luka . . .

109 Haiba lubona sesiñwi sifosahala mwa mizwale yaluna, ha lu lapeleñi fela ni kulibeya fapila Mulimu, ni kulata muuna yani kufitela lu mu tisa Fapila Mulimu. Mwabona? Yeo kona nzila, kaniti kona mwa kuezeza.

110 Mwa ziba, Jesu naize. “Ku kaba mufuka mwateni,” kakuli Jesu na bulezi kuli ukaba teni, “kono musike mwa li kumula; mu kasuhana mwa kumula ni boloto hamoho.” Mwabona, “Mu li tuhele fela ona cwalo.” Uka eza . . . Ibe Yena yaketa nako ha se i kwanile. Mwabona? Mu lil tuhele lihule hamoho.

111 Mulemuhe, sibatana ha ne siya cwalo antikreste aya fa sibatana, mata a hae.

112 Oh, Na lata se! Ni kala fela kuikutwa bulapeli ona fa cwale, mwabona, mwendi ki susumezo. Mulemuhe, fani antikreste. . . Oh, yona—yona sinulo yeo, Fapila mbola yani ya Mulilo o nyendaela mwa sibaka! Kufitela. . . Oh, muzwale! Ni ha ni Si boni, kuzwa kwa bwanana bwaka, nako kaufela ha ne Si taha bukaufi nina, Ne si ni sabisanga. Ne si ni beyanga mwa buino bwa sabo. Ha ukoni ku Si twaela; ha ukoni. Ki se si ipitezi luli mwa kukena.

113 Mulemuhe, sina antikreste ha naile cwalo (zene) fa libatana za hae za bulumiwa, kwani, Mulimu a luma Sibatana sa ku si katanyeza. Mwabona? Cwale mutalime. mi, nako kaufela (sibatana hane si taha) fa pizi ya hae, antikreste apahama fa pizi ya hae, fa sibatana sa hae, kuli zibahalise bulumiwa bwa hae; Mulimu aluma Sibatana sa Hae, ni yena, mi Apahama ku Sona, kuli zibahalise kumulwanisa kwa Hae.

114 Cwale, Mañolo abulela kuli, “Sila ha si taha sina muunda, Moya wa Mulimu uka nanula mayemo ni kufita.”

115 Mi kacwalo sila ha si ya sina antikreste; Mulimu aluma mufua omuñwi wa mata ku yo si katanyeza. Mi cwale ha ba. . .

116 A zwela kwande hape, sina mupahami wa pizi yesoto, mubala omuñwi, mata a mañwi, bulumiwa bobuñwi; Mulimu aluma yomuñwi wa ku mu katanyeza, ku mu lwanisa, kuli abuluke Keleke ya Hae.

117 Aluma wa bulalu; hape, Mulimu a Mu luma, Sibatana sa bulalu sa taha mi sa li zibahalisa.

118 Aluma wa bune; Mulimu a luma wa bune wa Hae. Mi cwale antikreste afela, ni masika a likeleke afela, niona, ka nako yani. Mutalime. Cwale, oh, ye kinto yende luli!

119 Cwale, lubona kuli diabulosi wa cinca, zene—zene libatana, ne li talusa mufuta wa mata a na patuluzwi kwa. . . kamba mufuta wa mata a na patuluzi kwa lifasi, ni mo ne afelezi ku yona yeseta, “lifu” pizi yee.

120 Cwale ha lu talimeñi fa mata a Mulimu, a Libatana zee, kuli ali lwanise.

121 Sibatana sa pili sa Mulimu, sa Na ilo katanyeza antikreste ni sona, moya wa antikreste ha uli mwa tuto ya hae. Cwale muhupule, nako ya pahama lwapili antikreste, nali mwa tuto ya bulumiwa. Antikreste a pahama, pili, mwa bulumiwa bwa tuto. Cwale amutalime ya na ilo mu katanyeza: ki tau, Tau ya lusika lwa Juda, ili lona Linzwi. Nako yeiya tuto ya hae ya buhata, Linzwi la niti la yo mu katanyeza.

122 Ki kabakaleo hane lubile ni Irenaeus, ni Polycarp, ni—ni—ni—ni balikani babañwi bani, bo Saint Martin.

123 nako ya na pahami antikreste ni tuto ya hae ya buhata; Mulimu aluma Tuto ya Hae, ili Linzwi, yona Tau ya lusika lwa Juda, ili lona Linzwi le li bonahalile mwa Moya o Kenile. Mi Moya o Kenile, kwani, kuil u Mu bonahalise, ili lona Linzwi!

124 Ki kabakaleo Keleke ya makalelo hane ina ni lifoliso, ni limakazo, ni lipono, ni mata, kakuli neli Linzwi le li pila, mwa mufuta wa Tau ya lusika lwa Juda, inza pahami ku yo lwanisa sani. Amen! Cwale mwa utwa kana? U luma mata a hae, antikreste; Mulimu uluma a Hae, ili Linzwi. Antikreste, tuto ya buhata; Tuto ya niti yana ni yona, ku yo i lwanisa! Cwale, yani neli ya makalelo. Cwale, ye neli Keleke ya makalelo, ya buapositola, ye neilo mu katanyeza.

125 Cwale, sibatana sa bubeli sa na lumile antikreste, neli sibatana se si fubelu, sene si lukela ku. . . sa na pahami kusona, se ne silukela kuzwisa kozo (ni) mwa lifasi, ni—ni kutisa ndwa.

126 Cwale, sa bubeli sene si ilo mu katanyeza, neli Sibatana sa komu. Komu italusa milwalo, Sibatana sa milwalo.

127 Mi cwale haiba lu yemela fa mwa muzuzu fela. Ha luboneñi, eehe, ha luboneñi, kuli mukone kubona se cwale. Cwale, wo kona mufuta okona ku mi lyanganisa nyana. kono ha lungeni Tiyatira faa. Mutalime mi mubone haiba ha ki—ki—ki Keleke ya milwalo, mwa bona.

Uñolele ni lingeloi la keleke ya Tiyatira uli; Ki ze za bulela Mwana Mulimu, yana ni meto aswana sina malimi a mulilo, ni mautu a hae sina sipi yecisa;

Ni ziba misebezi ya hao, . . .

128 Mwabona, kuba misebezi kaufela cwale, mwabona, kakuli yani ki yena yana pahami ni yena.

. . . ni lilato la hao, ni sebelezo ya hao, (mwabona, kaufela zona ki . . .) ni tumelo, ni . . . tibeledo, ni misebezi ya hao (hape, habeli, “misebezi ya hao”), ni kuli ya mwamulaho ki yemituna kufita yapili.

129 Mwabona, seo sibonisa kuli, Lusika lwa Tiyatira, kasumulaho antikreste aina ni kutaha mwa Lusika lwa Tiyatira, keleke yenyinyani nekusina se ne ikona kuezwa konji fela—fela ku ikataza kusebeza.

130 Mi taba yeñwi, komu yona, hape, ki Sibatana sa kuipa. Mwabona? Ne ba fa bupilo bwabona ka tukuluho mo ne bakoina kufela fela, mwa masika a lififi, myaha ye likiti mo bukatolika ne bu busa lifasi. Mi baya fela mwateni, ee kamba awa. Ne ba sa bilaeli za kushwa. Haiba neli lifu, ku lukile. Ne ba ya mi ba shwa, nihakuli cwalo. Kiñi? Neli ona Moya wa lusika lwateni!

131 Ki kabakaleo bani, ki kabakaleo Irenaeus, ki kabakaleo Polycarp, Joani, Paulusi, ona baana babatuna mi ba ba mata bani kwani, inge ba lwanisa zani!

132 Paulusi na li boni. Mi ali, “Na ziba, kuli ha ni se ni ile, ku ka to kena kumina litongwani zebuhali, mizwale, ba baluta lika zekopami, mi li ka mi keluseza kusili.” Mutalime muapositola ya buhali yani, yomunyinyani, ya yemi fani, mukokoto wa hae u shapakilwe, meto a hae azwa miyoko. Kono nakonile kubonela fahule kufita zabona . . . ze ne ezahala kwani zani, kuli bakona kubona myaha ye eza ma milioni a mwanda ni mashumi amabeli a liseli. Za na boni kukena mwa Kuyakuile. Ki yani nali fani. Mi a li bulela kuli kona ze ne ka ezahala. Mi abulela, hape, azwelapili kwa lusika lo ne lutatama. Cwale mulemuhe, ki yani fani.

133 Kiyoo, mwa mulaho wahae, Muhalalehi Joani kiyena yana pilile nako yetelele. Mi cwale Muhalalehi Joani ha na lika kulukisa Mañolo akenile kaufela, inza tozizwe ka Moya o Kenile, ni ku akopanya hamoho ni kueza Bibebe, mpi ya Maroma ya muswala ni ku mu nepela fa Sooli sa Patmosi. Nali kwande kwani fa Sooli sa Patmosi bakeñisa Linzwi la Mulimu. Polycarp na sweli kumutusa ku litoloka.

134 Ne ni balile, zazi leliñwi, liñolo leo Mary na ñolezi Polycarp. Ni kuomanya . . . isiñi ku omanyanya yena. Kono na mu lumba kakuba muuna ya bundume ya na kona kuluta ni kuamuhela tuto ya Jesu Kreste, Yana pepilwe ki yena, kuzwa ku Mulimu. Liñolo la Mary kasibili la na ñolezi Polycarp.

135 Polycarp na filwe kuciwa ki litau, mwa ziba. Batili, na cisizwe. Ne—ne se kuliyehile kuli ba tamulule tau mwa sibaka, mi kacwalo ba sinyi sibaka mwa kutapela, ndu ya kale mwa kutapela kwani, ni ku mubeya mwa—mwa—mwa—mwa sibaka ni—ni ku mu cisa.

136 Mi mwa musipili wa hae, inza shetumuka, na zamaya ni toho ya hae italimezi fafasi. Nduna wa Mpi ya Siroma naize, “U mucembele wena, mi wa kutekiwa luli. Kiñi ha u sa hanyezi lika zeo?”

137 Na sweli fela kutalima mwa Halimu. Mi Linzwi la bulela kuzwa kokuñwi. Ne ba si ka utwisisa kone lizwa. Ali, “Polycarp, usike wa saba. Ni inzi ni wena.” Uh-huh. Kiñi? Na yemi ni Linzwi lani.

138 Mi ha bakala kubundeka mabala fahalimwa hae, kuli ba mu cise, nekuna ni minembo ya Lihalimu yene utwahala. Mi—mi minembo yezwa kwa Mangeloi kokuñwi a opela pina. Mane na si ka kobyaneba meto kwa basomi.

139 Bani ki baana baba tiile. Bani kona baana ba bakona kuyema. Baba bulaezwi linzwi mwahala masika kaufela, kwani, ba nyanda hahulu. Kono nebali sikamañi? Nebali mwatasa susumezo, Moya wa Mulimu, ili mata. Na . . .

140 Musike mwa libala se, keleke. Ni mina mizwale, kwa tepu, Ni bata kuli mubatisise se. Kana batu bakona kueza cwani sika kaufela kwanda mata a Mulimu ana filwe kubona? Ni ka

toma likwati le faa, kuyemela seo. Haiba Mulimu aluma Moya mwahala bona, yeo kona nto inosi fela yebakona kubeleka ka yona, ki Moya o beleka mwahala bona. Cwale lu ka mi bonisa seo, ka litaba za kale kwa Keleke, ni ka—ka kukwaluha kwa Maswayo, mi mata ana tamuluzwi; ni kotalima, kiniti, Keleke ne i alaba kwa—kwa tozo, mi ne ba sa ezi sika kaufela.

141 Cwale, yapili neli tau yene lilile, lona Linzwi le li si ka zwakiwa.

142 Ya bubeli, mwa Tiyatira, neli komu. Mi Neli ya—ya milwalo. . . Sibatana sa milwalo. Muni swalele. Mi Neli Sibatana sa kuipa. Mi hanili yeo neli Keleke ye shebile, ye nyinyani fela? Rome na inzi fani, mwahala myaha ye sikiti ya masika a lififi, mi kaufela ya na sa buleli za keleke ya Roma na bulaiwa ona foo. Mi nebana ni kunyanda, kuya mwa sibaka ni sibaka.

143 Mina Bayahi, Ni ka biza maikuto a mina. Mwa hupula sisupo sa sifapano? Cwale mwa—mwa ziba ze Ni ambola.

144 Cwale mulemuhe. Cwale, haiba mu—haiba mulemuhe, kwani neli kubulka ni kubeya Biblele yani. Mwabona? Mi nebana ni kuikataza mwahala bona. Ki fo he cwale, ki komu. Mi cwale nako haitaha. . . Ne lu balile fateni maabani busihu. Mwabona, taba yani ha i yo ya, mi sitabelo sa taha, mi nebana ni kuya.

Ki hali, “Musike mwa sinyava veine ni Oli.”

145 Kiñi ze ne ba ezize? Ne ba zamaile ka ku itakaleza mi bashwa. Nebasina mwa kuezeka konji ku tokomela, kakuli Moya wa Keleke mwa lizazi lani neli wa kuipa, milwalo. Mi ba zamaya fela hande sina mone bakona kuzamaela, ba tozizwe ki Moya wa Mulimu mwa lusika lwani, mi bashwa sina bahali, likitikiti ni likitikiti; ma milioni a sikisite eiti abona bene baswezi mbupaki bwani.

146 Komu, sitabelo! Oh, mawi! Kana mwa utwisisa? [Kopano ili, “Amen.”—Mu.] Kihande. Ku lukile. Cwale, sitabelo, ne sikona fela kuikataza mwa lusika lwani, kuli si lwanise twaniso yani ya myaha ye sikiti.

147 Cwale, sibatana sa bulalu se ne si zwile ku diabulosi, neli yona pizi yensu yee. Mwabona?

148 Cwale, Sibatana sa bulalu sa ya, neli mata a zwa ku Mulimu, kuli ayo mu lwanisa, kuli alwanise mata a pizi yensu faa; neli mutu, ya butali, ya talifile, ana ni butali bwa Mulimu. Mwa ziba, mutu ki yena ya talifile, kufita sibupiwa sifi kaufela. Mwabona? Ki yena ya talifile, kakuli wakona ku mufita kwa ngana, hahulu. Yena u butali, wa makilikicani. Mwabona? Mi ki. . .

149 Ki—ki lusika, kuzwa mwa lusika lwa lififi, cwale kuzwa mwa lusika lwa lififi; cwale, neku leliñwi lee, mi pizi yensu ye hane itaha, hane ba ifungile kwa—kwa—kwa—kwa litabelo za bona ni lika kaufela ze ne ba ezize. Ni mashelēni neli fela. . . Oh, mwa ziba mo ne kuinezi.

150 Cwale, taba yetatama ya ya, ku yo lwanisa sani, neli Sibatana ni sifateho sa mutu; ya butali, ya itutile, ya talifile, yomunde, ya tozizwe ka Moya wa lizazi lani. Mu lemuhile kana? Na ilo mu lwanisa, ka bunangu bwa butali bwa Mulimu ku yena. Lwani neli lusika lwa kuongaonga, Martin Luther, John Wesley, ni babañwi cwalo. Mwabona, neli kuongaonga. Zwingli, mi, oh, bani kaufela, Knox, Calvin, ni bani kaufela, mwabona, bazwa. Ne li butali. Mi cwale, mu tokomele, handende kuzwa mwa lusika lwa lififi, neku le, mutalime, neli butali bwa mutu.

151 Kambe mwakona kukutisa mahaulo amina mwatasi hanyinyani fela! Ni lumela kuli batu basweli ku fufulelwa nyana, eehe, mwendi, mwahali moo. Kambe nemuka wisa hanyinyani mahaulo ao! Kakuli, Na ziba, haiba na yayemi fa inge ni kutaza, ni ikutwa kucisa, Ni ziba kuli ni mina mwa ikutwa cwalo, kwande koo.

152 Kihande, mulemuhe, neli butali bwa mutu. Cwale, kana mwa utwisisa?

153 Ona sibatana sa bulalu sani sana lumile Satani, sa ba se si butali, nisona. Mutalime, “Sikala sa buloto ki six-pence. Likala zetalu za mabele ki six-pence.” Mwabona? Oh, mawi! Mwabona? Bundume bwa kupanga masheleni, ki butali, kufumana gauda ya lifasi, ni bufumu, bwa tiswa mwateni. Zeo ki kutaleleza hande. Kona za na kalile kulifiseza litapelo. Mi he. . . Aeza sibaka se si bizwa limbo, ni ku lapelela bashemi ba kale mwateni. Mi, oh, nemuna ni kuitoboha likezo za mina ni lika kaufela, libyana za mina. Keleke, ni naha, neli ye swana, mi keleke ya henu i hapa libyana za mina.

154 Mi kana ha mu boni kuli, babañwi ba babuleli ba, lizazi le, ba sa na ni yona tozo yani ku bona? Kueza macembele kuitoboha lituwelo za bona, ni ku ba amuha libyana ka mulao kwa libaka zeñwi. Kiñi, muzwale, Ha—Ha ni lati kukena ku zeo, mwabona. Kona cwale Ni ka ina fela ni se; Ni talima kwa mulaho kubona ko Ni ya. Cwale mulemuhe, baana bani, kuitingile kubona. Ku itingile kubona. Seo—seo—seo hasina sa kueza ni na. Na musebezi waka fela ki Wo fa.

155 Cwale mulemuhe, si—si Sibatana sataha ku to si lwanisa, cwale, neli mutu. Mi kaufela luziba kuli Sibatana se, sa mutu, ona mata a mutu aa, mwa butali bwa hae, a lemuha kuli sinkwa sani sana bile ni sona Martin Luther mwa lizoho, hana sweli kupahama mihato yani. . .

156 Ne baize, “A kona Mali a Jesu Kreste. Wo kona mubili wa Jesu Kreste.”

157 Mi Luther a li yumbela fafasi, ni kubulela kuli, “Ki sinkwa ni veine. Ha ki mubili wa Kreste; kakuli, u filwe kanya, mi uinzi kwa lizoho la bulyo la Mulimu, inza lu kupela kwateni.” Mwabona, butali; mwabona, mutu.

158 Mi cwale John Wesley ha yo taha, mwa mulaho wa Zwingli amano taha, ni Calvin.

159 Mi banga keleke mwa sibaka, sa silelezo, kufitela bahana kuba ni ancafazo yeñwi hape. “Kaufela se si ka ezahala si ka ezahala.” Ani neli mafelelezo. Mi bapila fela bupilo bwa mifuta kaufela. Keleke ya ba Lutheran i lyangani luli, ni keleke ya ba Anglican cwalo! Oh, mawi! Naha kaufela ya sinyeha, mane inge fela mo kuinezi cwale. Likeleke ne li futukile. Fani King Henry wabu—wabu VIII, hataha mwa England, ni bucwala bobubizwa blood Mary, ni lika zeñwi kaufela za ezahala. Mi, he, keleke ya tala hahulu lipulao ni bu lyangelino. Babañata baipapata bukreste, kono inge bapila ni basali babane kamba baketalizoho, kamba kueza kaufela se ne ba bata kueza, ni kuzwelapili cwalo, ni masila.

160 John Wesley, inza bala Mañolo, a Li tokomela, ne ku patuluzwi ku yena kuli Mali a Jesu Krete kona a kenisa mulumeli. Mi uba . . . hau lukeli . . . Mi kisikamañi sa na ezize? Ataha mwa kuongaonga kokuñwi. A pilisa lifasi mwa lizazi lani, sina Luther mwa na ezelize. Mwabona? Neli sikamañi? Muuna yani, mata a Sibatana, inza ya cwalo.

161 Afa mutu butali, bwa ku utwisisa, kuli taba yani ne ifosahalile. “Ao ha ki mali a Jesu Krete. Woo haki—haki mubili wa Jesu Krete. Se siyemela fela mubili.” Mwabona?

162 Yeo isali kañi yetuna mwahala Bakatolika ni Baipanguli cwale. Kona ha mu sa koni kutaha hamoho ona fa cwale. Lika zeñwi kaufela, hamoho cwalo, kwanda seo; ze banani mwa tutengo twabona. Mulemuhe cwale. Kono, se, kono ba—ba palelwa kutaha hamoho ku seo. [Muzwale Branham ungongota fa katala linako zetalu—Mu.] Mwabona?

163 Yo ubulela kuli, “ki Mali mi,” yo uli, “ki Mali tenyene luli; kuli muprisita una ni mata a kucinca sinkwa se kuba mubili tenyene wa Krete.” Kona seo tabernakele yenyinyani ibezi teñi, mwahali a—a—a keleke, mwa ziba. Ki kabakaleo baeza lisupo ni mufuta kaufela wa sitabelo sa buhedeni habanze baya cwalo, mwa ziba, ni kuinama, ni kuobamisa likuwani zabona ni zeñwi cwalo. Ze ha ki kwa muyaho; ki kwa sinkwa sani se sili mwa—mwa tabernakele. Mi mulemuhe moo Satani ka butali a comola sani!

164 Kono, mwabona, ka nako yani, ku mutu wa butu, mwabona, Mulimu abeya Moya wa butali ku mutu, kuli autwisise se si fosahalile. Cwale, seo ne si lukela kulwanisa sibatana sa bulalu, seo ne si kenyzise keleke mwa kubola, sa na pahami, kuli ne li bumaswe. Baongaongi, ne ba ezize sikamañi cwale, bani mwa lusika lwa baongaongi? Ba tisa Keleke, kuzwa mwa mikiti ya buhedeni ya milimu, kukutela ku Mulimu hape. Mwabona? Kona ze ne si latelezi Sibatana, butali bwa mutu, mupahami, kueza cwalo.

165 Cwale, kono, amubale cwale timana ya 3 mi. . . kamba Sinulo 3:2, fa muzuzu fela. Cwale, Ni iñezi fa ka libaka. Cwale ye ki, yataha cwale, lusika lwa ba Lutheran, mwa lusika lwa baongaongi, lwa Sinulo 3:2.

166 Se ne ba ezize, ba ikongakonga. Ona fani fela Luther ha kalisa keleke ya hae, ba iongaonga. Ku lukile, kinto yeswana yana ezize ni Wesley. Ki nto yeswana yeneiezize Pentekota, ona cwalo, ba ikongakonga. Mi kiñi se ba eza cwale? Ba kutezi mwa mulao o swana mo ne ba zwile. Mwabona?

167 Cwale amutalime se, Sinulo, kuambola ka keleke ya Sardisi ye. “Kwa lingeloi la keleke,” ki timana ya 1, eni sha. Mwabona? Ku lukile.

U libelele, mi utiise se si siyezi,

168 Seo kikuli, “Linzwi lo lutilwe,” mwabona, “lika ze siyezi.”

. . . ze bata kushwa: . . .

169 Ona fo ulibelezi ku kutela hape mwa kopano sina keleke ya Katolika mwa na zwile. Mwabona?

*. . . kakuli ha Ni si ka fumana misebezi ya hao
kupetahala fapila Mulimu.*

170 Ki fohe cwale. Ki zeo fo. . . Ki yani waya, wa kuta hape. Kikuli hamuboni mulao wa likopano mo u fosahalezi? Kimañi ya na ukalile? Neli Mulimu nji? Neli baapositola nji? Ki keleke ya Roma ya Katolika. Cwale munituti wa litaba za kale kaufela abulele zeshutana. Ha li yo mwateni. Bona cwale, ba bulela kuli kibona keleke ya mushemi, mi ba cwalo. Kono ba ongaongile lika, ni kubeya mulao, ni toho ya mutu ku yona. Mi ne lu si kanga mutu alimuñwi, sina mo ne baelize; lungile katengo kaufela ka baana, ni ku ba beya hamoho, mi kipeto mu na ni kulyangana luli. Yeo ki niti. Katengo kakona kuba cwani, nihakuli cwalo?

171 Kuswana fela sina, lu nahana kuli tukuluho ki yende. Na lumela kiyende, nina, kono haiba kubeleka hande. Ha ikoni. Ni sikwata sa ma Ricky kwanu baba li zamaisa, mu ka kona ku li lukisa cwani kanti? Ha mukoni. Mulemuhe, nto ya niti neli mulena wa bulapeli.

172 Mulemuhe Sibatana, Sibatana sa bulalu, cwale, neli butali bwa mutu. Mi na yemela baongaongi bene baile bani.

173 Kuzwa kwa maswaniso, a kunga, lubulele kuli, “Se ki sinkwa.” [Muzwale Branham ukambela mazoho hamoho hane—Mu.] “Ye ki veine.” [Muzwale Branham ukambela mazoho hamoho habeli.] Mwabona, antikreste una ni se si swaniswa mwa Bukreste. Unani kuba cwalo, kakuli wa “Iwanisa,” mwa bona. Mi cwale, haiba una ni kulwanisa sika. . . .

174 Cwale, haiba utaha ni cwalo, ni kubulela kuli, “Oh, Ni wa Buddha.” Kihande, seo hasina sika. Kaufela baeza cwalo. Yoo fela ki muhedeni, ka kukala.

175 Kono antikreste yena u talifiel. Una ni mikwa kaufela ye yemela Bukreste mwateni. Fela, u keluhezi fela kwa neku lisili, ki sika se si shutani ni Tuto ya Teni. Mwabona, kona se si muezza kuba antikreste. Mwabona?

176 Kacwalo, baongaongi, nako ye siya Sibatana mwa mufuta wa—wa mutu, ku yo lwanisa sani!

177 Cwale, musike mwa libala se, sitopa! Musike mwa si libala! [Muzwale Branham ungongota fa katala linako zene—Mu.] Mwabona? Mu Si hupulange, mazazi a bupilo bwa mina kaufela! Mwabona? Libatana ze ki za niti. Kikuli SA BULELA MULENA KISONA. Mwabona?

Mulemuhe, bulapeli bwa maswaniso bwatisa . . .

178 Sibatana sa mutu ne si ile ka mata a Mulimu, kabutali bw'a na mu file Mulimu, mi azwisa Keleke mwa bulapeli bwa milimu, kukutela ku Mulimu. Kono haili mwa . . .

179 Lu fumana kuli, mwa lusika lwa keleke yeswana lwani, ha ba kala ku ikongakonga, kueza lika zeswana ze ne ba ezize kwa simuluho, ze ne i ezize Rome, cwale uka ba ni bana ba basizana mwa keleke yani. Mi cwale ubulela sikamañi?

180 Ali, “Cwale bakeñisa kuli wena . . . Ha ni si ka ku fumana ya petehile. Mi ulukela kutiisa mata asiyezi amanyinyani ao.” Cwale mnuteezeze ku Yena ha ba laela, mwa Sinulo hape, 3:3. Halu ngeni . . . Kihande, Ni lumela kuli Ni ifumani, ka mizuzu fela yelikani.

Hupula mo amuhelezi ni kuutwa, u kumalele katata, mi ubake.

181 Fela, ka manzwi amañwi, “Hupula kuli u zwile mwa kubola ko ku cwalo koo.” Mwabona? Mi talima faa.

. . . Ha u sa tokomeli, Ni ka ku tahela sina lisholi, (uh-huh), mi hauna ku ziba . . . mi hauna ku ziba nako ye Ni ka kutahela.

182 Kushetumuka cwalo uka zwisa kandela, mwabona. Kacwalo, kona zeo. Ki sikamañi seo? Ki Liseli la Keleke.

183 Mi akena mwa mulao wa likopano za lififi la buhedeni mw'a na zwile, mi kona mo a inzi kacenu, ni sicaba se si sepahala mwa lipilu se si nahana kuli ki Niti yeo, kuswana fela sina Makatolika mo ba bezi. Mi Baipanguli ba seha Makatolika; kanti, ki zesilezi za iliñwi, ni licika la zesiyezi, ona cwalo zaswana kuya ka Linzwi. Butali bwa mutu!

184 Cwale mulemuhe. Oh, mo Ni latela Se! Amu Mu utwe cwale ha ba laela. Cwale, cwale luna . . . Mwa lumela handende, mañi ni mañi wa mina? Cwale, haiba mu sa lumeli, mu ni ñolele puzo. Kuli, Libatana zeo za swalisana hande mwa lusika lufi ni lufi, sina Bibehe ha i li tatulula moo. Kona ze ne ba ezize ona zeo.

Litaba za kale libonisa ze ne baezize. Lutalima fa ni kubona se ba ezize.

¹⁸⁵ Mi fa, Libatana zani, Na—Na—Na li kuba ni zibe cwalo fateni. Ne niinzi fela mwani. Ne ni libona fela ha likala kukwaluha mwani, ona cwana fela sina mo mu ni talimelezi. Mwabona? Mi si lukela kuba niti, kakuli si zwelela mwa Bibe mo. Kacwalo u ka bulela cwani sika kaufela kwanda kubulela niti? Mulemuhe.

¹⁸⁶ Cwale, Sibatana sa bune, sene si lumilwe ku yo katanyeza antikreste, mwa Sibatana sa mafelelezo see. Kana mu itukisize? [Kopano ili, “Amen.”—Mu.] Sibatana sa mafelelezo sene si lumilwe, kamba mata a mafelelezo a kulwanisa antikreste ya na lwanisa Tuto ya Mulimu, antikreste, neli mbande. Mwabona? Sibupwa sesipila sa bune neli mbande. Cwale, mubale fela masika, mubale Mañolo. Ki mbande! Mi mwa Bibe, lusika lwa mafelelezo neli lusika lwa mbande. Mi Mulimu ubapanya mbande kwa bapolofita ba Hae. Mwabona? Ki... Cwale mutalime. Lusika lwa mafelelezo, lusika lwa mbande, ki—ki musinuli wa Linzwi la niti. Mwabona?

¹⁸⁷ Mulimu asika ka eza kale kezo, sina mwa Na ezelize mwa mazazi a Nuwe, Na lumile mbande. Ha Na lukuluza Isilaele, ni mpi ya Faro hane ilibelela kuya, Aluma mbande. Nako kauufela, U lumanga mbande kwa mafelelezo, mafelelezo a teni.

¹⁸⁸ Mi fa Uluma mbande, hape. Zeo lizamaelela hande ni Linzwi. Kona kuli mukona kueza sika kaufela? Aluma lingeloi, (kiñi?) musinuli wa Niti yabile atahanga mwa lusika.

¹⁸⁹ Kacwalo kukonahala cwani kuli—kuli komu, ya—kamba muuna, kamba Sibatana seo kaufela sa na pahami, likona kupatululwa cwani haiba mbande i sa tahi? Ne bana ni sibaka sa zona; neli za bumulimu, aluma Libatana, inge fela mutu ufi kaufela mwakona kubela.

¹⁹⁰ Tau, yani neli ya makalelo. Kwani kona koo antikrese na tile mwa—mwa bulwanisi.

¹⁹¹ Mi atisa mata amañwi; Aluma mata ku yo mu katanyeza.

¹⁹² Mi atisa yomuñwi mata amañwi; Aluma mata amañwi ku yo a katanyeza.

¹⁹³ Mi cwale kwa mata a mafelelezo, U tisa hape mbande, “Ku kutisa bana kwa Tumelo ya makalelo hape, kwa lipilu za bashemi babona.” Ki lusika lwa mbande! Mi, mu ka lemuh, kuli hokusana Libatana hape. Kihona kufelile. Kona mafelelezo. Cwale, haiba mu ka nga cwale Sinulo 10:1, 7. Ni bile ni swanisisa kuyona. Muhupule, mwa lusika lwa mulumiwa wa mafelelezo, mwabona, kiñi ze ne lukela kuezahala? “Likunutu kaufela za Mulimu ne li ka patululwa.” Ki mbande! Amen!

¹⁹⁴ Cwale mwabona libatana zene ze ne pahami. Zani neli ze lukile hande. Kana mwa lumela cwalo? [Kopano ili,

“Amen.”—Mu.] Mi cwale ki lo fa lusika kaufela, kamba mubuso onoli kwa mulaho wa ona. Mi ki ao fo Mañolo abonisa sa na ezize mupahami wa sila. Ya patuluzwi mwa Maswayo aa. Mi hape apatuluzwi cwale kuli Sibatana ni sibatana, mata ana lumile Mulimu, ku yo si lwanisa, anata handende ka swanelo, ku yo punya kwa nako ya mbande. Cwale, haiba ye ki nako ya mafelelezo, ku ka taha mbande, hande, ku yona. Cwale, muhupule.

¹⁹⁵ Cwale, mwa mazazi mo ne kutile tau, Linzwi la makalelo, buñata mwahala baba mwanda ne ba teelelize kwa tau.

¹⁹⁶ Mwa mazazi ao—ao komu haitaha, neli fela ba sikai kona bene ba utwile liñusa la komu.

¹⁹⁷ Mwa mazazi a—a kutaha kwa mutu, na belekile mwahala batu, mwa bona, kacwalo Nali ya butali. A ikungela sikwata nyana mwateni.

¹⁹⁸ Mi kiñi se ne ba ezize? Satani abona sani, konakuli abaluma kukutela mwateni ni kunyalana ku zona.

¹⁹⁹ Mi muhupule, mbande ha ika taha lwa mafelelezo, ikaba buñata luli mwahala yomuñwi ni yomuñwi wababa mwanda ya ka teelesa. Ki lusika lwa mbande. Muhupule, ki bona bapahami babañwi baa. . . Mi cwale neba Jesu na bulezi, “Kambe Na si ka akufisa Kutaha kwa Hae, nekusike kwaba nama, ni yekana, ye ne ka piliswa kwa Kuungelwa.” . . .? . . . Kana ao ki Mañolo? [Kopano ili, “Amen.”—Mu.] Mwabona fo luinzi cwale he, nji cwani, muzwale ni kezeli? [“Amen.”] Mwabona fo luinzi?

²⁰⁰ Mulimu, Ni tabile hahulu, Hani—Hani—Hani zibi sa kueza! Kono Ni. . . Litaba ze hakina fela yayemi fa yasweli ku—ku ipulelela zona. Ni teni fa, nina. Na, Ni inzi mwahala mina. Mwabona, Na, Ni na. Ni na ni lubasi. Mi ni na ni mizwale ni likezeli be Ni lata. Mi Mulimu wa Lihalimu, una ni makeke luli mane ashetumuka mi—mi apatulula sika sateni, ka Yena Luli. . . ka lipono ze bonahalisizwe ka myaha ye mashumi amalalu, kuba Niti. Ki luna ba faa. Lu. . . Lu fitile. Ku fetile. Lipatisiso sa sayansi li pakile Cwalo. Ponahazo ya Linzwi i Li pakile. Mi ki luna ba faa! Mi Sinulo ye izwelela ku Mulimu, mi Ki ya Niti!

²⁰¹ Kana kuna ni se mu lemuñile? [Kopano ili, “Amen.”—Mu.] Hanizibi fela haiba mu lemuñile. Mwabona? Eeni, sha. Hanikoni ku mi bulelela ka nako yeo he, la Sunda. Mulemuhe. Mulemuhe. Kibunde! Cwale, cwale, mulemuhe cwale.

²⁰² Mi cwale kuya ka—ka nako yeo Mulimu na ka lamulela lifasi kwa muunda, A luma mbande.

Mi nako Ya na ka lamulela Isilaele, A luma mbande.

²⁰³ Kana mu lumela kuli nako, neba ku Joani, fa Sooli sa Patmosi, Liñusa le ne li petehile hande kuli Na si ka Li beya mwa mata a Lingeloi? Mwa ziba, lingeloi ki mulumiwa. Kono kana mwa ziba kuli mulumiwa neli mupolofita? Mwa lumela

cwalo? [Kopano ili, “Amen.”—Mu.] Ha lu boniseñi cwalo. Sinulo 22, haluboneñi haiba ne li lingeloi. Eehe. Mwabona, nali mu . . . Luli, neli lingeloi, ki mulumiwa, kono ne li mupolofita ya na patuluzi Buka kaufela ya Sinulo ku yena.

²⁰⁴ Sinulo, kauhanyo ya 22 ni timana ya 19, Ni lumela kuli yeo ki niti haiba Ni iñozi hande kulo faa . . . 22:19, Mwendu ni i lyanganisize. Batili. [Yomuñwi uli, “Ki 22:19, mwendi.”—Mu.] 22:19, ki yona luli. Ne ni sweli kutalimela fa 22:9. Ki yona luli. Oh, eehe, kiye fa.

Ki hali ku na, Si ezi cwalo: kakuli Ni mulikani wa hao mwa sebelezo, ni wa banabahenu bapolofita, . . .

²⁰⁵ Mutalime sa na boni Joani faa.

. . . Na Joani na bona litaba zee, mi na li u twa.

²⁰⁶ Cwale wa kwala. Ye ki hauhanyo ya mafelelezo.

. . . Mi ha Ni . . . utwa ni kubona, Na wa ka mañwele kwa mahutu a lingeloi le li ni bonisa litaba zee, le li ni bonisa litaba zee.

²⁰⁷ Mi, “yena,” cwale, “ki lingeloi,” mwabona.

Mi ki ha li ku na, Si ezi cwalo: . . .

²⁰⁸ Hakuna mupolofita wa niti yakona ku kubamelwa, kamba mulumiwa wa mufuta kaufela, mwabona. Yoo ki Mulimu fela anosi.

Mi ki hali ku na, Si ezi cwalo: kakuli Ni mulikani wa hao mwa sebelezo, ni wa banabahenu bapolofita, ni wa baba mamela manzwi a mwa buka yee: kubamela Mulimu.

²⁰⁹ Mwabona? Cwale, Buka neli yebutokwa hahulu, kuli, Ki Linzwi la Mulimu. Cwale amutalime. Mi cwale Linzwi la Mulimuli tisizwe, Li lukela kutiswa ka mupolofita, kakuli yoo ki yena Linzwi la Mulimu litahanga ku yena.

²¹⁰ Ne ni libelela kuba ni puzo ku seo, mwa—mwa likwati le fa. Ne ni hupula kuli Ne ni ka nata fela fateni, hanyinyani, mwa ziba. Ni ikutwa fela kuli kuna ni iliñwi mwateni ye cwalo, ki hona. Neni—Neni nahana kuli Ni ka mi fa yona, mwa bona. Mwabona?

²¹¹ Linzwi la Mulimu kaufela litisizwe. Bible ha i cinci mulao, neba hanyinyani, mwabona. Ki nto yeswana. Li na ni kutaha ku muboni yoo ye lu libelela kuli atahe, cwale mulemuhe, Sinulo 10:1, 7.

²¹² Cwale ha lu baleñi fa—fa timana ya 9 hape. Cwale lu nge . . . lu . . . Cwale, lusika ya kale kwa timana yeo, Ni bata ku mi buza taba yeñwi.

²¹³ Kana mwa bona, handende, lu si kasiya kale Maswayo aa? Cwale muhupule, hokusana mata hape aya kasamulaho wa mbande yani, mwabona, hokusana. Nako kaufela antikreste a na

luma sika, Mulimu na luma mata. Antikreste ha na luma mata asili; Mulimu na luma sesiñwi ku a lwanisa. Mi aluma mata asili; Mulimu aluma sesiñwi sa ku a lwanisa. Mwabona? Mi cwale Ha yo fita fafasi kwa mbande, lani neli Linzwi la Hae, kwa mulaho inghe mo ne Li inezi ka nako yapili.

214 Cwale amutalime. Hanili mupolofita yo lu libelela kutaha, ki muuna yomuñwi ya tozizwe ni—ni Moya wa Elia? Haiba kuba Elia, eeni sha. Kono ukaba muuna, ya cwalo, ya ka taha. Mi bulumiwa bwa hae luli ki kuluma, ku kutisa, ku sona sicaba se si wile se mwahala likopano ze zwakani, ku kutela kwa Tumelo ya makalelo ya bashemi. Cwale, haiba zeo ha li tamahanyi Bible yeo hamoho, Ha—Ha ni zibi se si ka tamahanyi. Hani—Hani—Hani sa kona kubulela zeñwi hape ka zona, kakuli ki hona. Mu fitile. Yeo ki yona Niti. Mu sa zwisa sika ku zeo, mu ka li lyangansa. Mwabona? Kacwla, lina, lina ni kuba fela ka nzila yeo.

215 Cwale mulemuhe, cwale, mwa timana ya 9, “Miyoyo yeli mwatasa aletare.” Cwale, fa kona fo Ni kabelani ni ku sa lumelelana luli. Kono mutalime fela fa muzuzu. Mi fela... Mwabona? Ni hupuzi cwalo, hape, kono ha li si ka taha ka nzila yeo. Lu na... Ni bile ni nahananga kamita kuli mioya yeli mwatasa aletare yee neli ba—ba bulaiwa ba Keleke ya makalelo. Mi Ni ziba hande kuli, kihande, Dr. Uria Smith, ni ufi kaufela wa bona, ubulela cwalo. Mwabona? Kono, Ni hupuzi cwalo, nina. Kono cwale Moya o Kenile ha u to ni bonisa pino yateni, ne si cwalo; ha ki mioyo.

Cwale, cwale mu li, “Kihande, cwale, Hakuna ze ni ziba ka zeo.”

216 Kihande, cwale, fa muzuzu fela, lu ka lemuha. Mutalime. Ye ha ki mioyo ya—ya Keleke ya Munyaliwa, hatili kutokwa. Ne lu nahananga kuli yani ki Keleke ya Munyaliwa yelibezezi kwani, mioyo yeli mwatasa aletare, mwa bona, inge ilila, “Ku kanga nako yekuma kai, Mulena, kukanga nako yekuma kai?” Ha luboneñi ni ibale hape, kuli lu i utwisise hande.

Cwale ha mamulula liswayo la bu ketalizoho, Na bona mwatasa aletare mioyo ya baba bulaezwi linzwi la Mulimu, ni ka bupaki bo ne babani bona:

217 Mwabona, “Linzwi la Mulimu, bupaki bo ne ba nani bona.” Cwale, musike—musike mwa shenya kuzwa foo. Fa muzuzu fela, mwabona.

Mi ba huwa... Ukanga nako yekuma kai, ... Mulena, ukanga nako yekuma kai? ... (mwabona?) ... wena ya kenile yana ni niti, ukanga nako yekuma kai. . . u sa atuliu sa lifisi mali aluna ku ba bayahile mwa lifasi?

Cwale ba fiwa yomuñwi ni yomuñwi sapalo se si sweu; mi ba bulelelwa kuli bapumule nako nyana, mane palo

ipetahale ya balikani ba—ba bona mwa . . . sebelezo, ni ya bana bahabo bona, ba ba ka bulawa sina bona.

218 Cwale, kakuli bona, ka nako ye, mu lemuhe, lona Liswayo la Buketalizoho le, le likwaluha, mwabona, Keleke se iile kale. Ha ku konahali fela, mioyo yeli mwatasa aletare ya—ya Keleke ya makalelo.

219 Cwale, cwale, shangwe, haiba mukile mwa iseza ngana cwale, kakuli ye ki nto yetuna ya kuka- . . . kukangisana, kona kuli Ni bata kuli muteeleze hande ka tokomelo hande cwale. Mi mu na ni mapampili, ni liñoliso. Cwale, Ni bata kuli mulemuhe.

220 Cwale ye haikoni kuba mioyo yani. Kakuli, ki—ki mioyo ya—ya baba kenile, babulaiwa, ni sicaba se si lukile, sa Keleke, yena Munyaliwa, ne se ba ngezwi kale mwa lihalimu, kacwalo ne ba si ke baba mwatasa aletare. Ne ba kaba mwa Kanya, ni Munyaliwa. Cwale mutalime. Kakuli, baile mwa Kuungelwa, mwa kauhanyo ya 4 ya Sinulo. Ne ba se ba ngezwi kale mwahalimu.

221 Cwale, mioyo ye ki ifi, kanti? Yeo kona taba yetatama. Ki bafi bao, kanti, haiba ha ki Keleke? Ye ki Isilaele ye lukela kupiliswa sina naha, kaufela bona ba lukiselizwe kale. Yeo ki Isilaele. Yeo ki Isilaele, kasibili.

222 Mu li, “Oh, libelela fa muzuzu.” Mu li, “Ha ba koni.” Oh, eeni, bana ni ku piliswa.

223 Fa, ha lu li beeyeni hande, fa muzuzu fela. Nina ni Mañolo a mane kamba aketalizoho. Ni kanga silisiñwi. Ha lungeni Maroma, fa muzuzu fela, ni kufumana haiba ki cwalo. Ha lungeni Buka ya Maroma, ni kuya mwa—mwa kauhanyo ya 11 ya Maroma, mi lu ka lemuha. Fela . . . Halu i baleñi, mi kona lu ka ba ni yona ka luna bañi. Maroma, kauhanyo ya 11, litimana za 25 ni 26. Cwale amuteeleze Paulusi fa.

224 Mi Paulusi naize, “Haiba mutu abe ufi kaufela, neba Lingeloi, likutaze evangeli isili,” (sikamañi?) “una ni ku kutiwa.” Mutalime.

Kakuli Hani lati, banabahesu, hamu tokwa kuba ni ku ziba taba ye patilwe yeo (uh!), kuli musike mwa ipona butali (ki fo he cwale); kikuli kutatafala kuhezi Maisilaele babañwi, kufitela Macaba kaufela, a bahedeni ha sa keni.

225 Munyaliwa wa mafelelezo wa Bamacaba ha sa keni, kakuli Munyaliwa, kutatafala kutahezi Maisilaele bakeñisa libaka leo.

Mi fo Maisilaele kaufela ba ka piliswa: sina ha ku ñozwi kuli, Muliululi uka zwa mwa Sione, kuli afeze kunyefula kwa Jakobo:

226 Kiniti! Cwale, ki Maisilaele, baba inzi mwatasa aletare yee. Mutalime. Isilaele na bile sobofu kuli luna lu piliswe. Mwa

lumela cwalo? [Kopano ili, “Amen.”—Mu.] Cwale, kimañi ya ba foufalize? Mulimu. Mulimu u foufalize bana ba Hae Tota.

227 Ki kabakaleo Jesu ha na yemi fa sifapano fani, mi Majuda bani inge bayemi fani ni kulilela Mali a Hae! Bani neli bana ba Hae Tota. Mi Na li yena Mañolo. Na li yena, Kasibili, nali Linzwi. Mi fa, Yena ka kuziba kuli sicaba sani ne si ka Mu amuhela ka tabo! Mi kona libaka la Na ba foufalelize, kuli basike ba Mu lemuha. Na tile ka nzila yebunolo luli, mane a ba foufaza ku zona, kuli basike ba li amuhela. Mwabona? Mañolo abulezi kuli ne ba lukela kueza cwalo. Mi Aba foufaza. Ba foufala! Jesu aba shwela makeke, hahulu mane, sina ha Na ize, “Ndate, ba swalele. Ha ab zibi se ba eza.” Mwabona? Nebali libofu. Paulusi u bulezi kuli ne ba bile libofu ka mulelo, wa luna.

228 Mulemuhe. Cwale Ni bata kuli mulemuhe nto ye ka tokomelo luli. “Ne ba filwe liapalo.” Ne ba sina zona. Ba fiwa liapalo, liapalo zesweu, ufi ni ufi wa bona. Cwale, babakenile cwale banani, banani zona kale; ba lifiwa faa. Kono, kwani, “Ne ba filwe liapalo.” Kanti balumeli bona banani kale za bnoa, mi baile mane. Mwabona? Mwabona? neba—neba sina . . .

229 Bona, mwabona, neba sina kolo, kakuli ne ba foufalizwe ki Mulimu, Ndata bna luli; kuli sishemo sa Mulimu si talelezwe, kuli Munyaliwa afumanwe mwahala Bamacaba. Kana ku cwalo? [Kopano ili “Amen.”—Mu.]

230 Halu—halu boniñi ni mi bonise mufuta fa ku Josefa; Josefa, Moya wa mutu, mbande. Na pepilwe mwahala banabahabo yena, mane fela inge Keleke mwahala zeñwi. Mi nakona ku toloka litolo ni kubona lipono. Mi babañwi ba bona ba mu toya. Ndata hae na mu lata.

231 Mulemuhe, cwale, nali kwande, kwande ni bahulwani ba hae, isiñi bukaufi ni ndatahe. Kwande, ni bahulwani ba hae, mi alekiswa ka lishekele za silivera yebatoeza mashumi amalalu. A nepelwa mwa musima, mi ba hupula kuli ushwile.

232 A zwiswa mwateni, ayo ina ku la bulyo la Faro. Mi kakuli na toilwe ki bahulwani ba hae, mwabona, a fiwa munyaliwa wa Bamacaba, isiñi yazwa mwahala sicaba sa habo. Niha nali kwani cwalo, a lwala Efraimi ni Manasse, bene ba ekelizwe kwa Isilaele.

233 Sina Isilaele ha na ba fuyozi, ka kushutanisa mazoho a hae, kuzwa ku mwanana kutaha ku yomuhulu, kuli ashutanise limbuyoti za Mujuda, kutaha . . . kamba kuzwa ku Mujuda kutaha kwa Bamacaba. Mwabona? Ashutanisa mazoho a hae, ku mwana mushimani yomunyinyani, yali Keleke ya mwanana ye lukela kutaha mwateni. “Mi—mi keleke ya mushemi ya yema mwa lizazi; ya pepa mwana.” Mi mulemuhe, kuli ba munge, Isilaele a shutanisa mazoho a hae, mwa mufuta. Mi Josefa . . .

Ona bana babaswana bani, neli maabona wa Bamacaba.

234 Munyaliwa wa Isilaele, kwa mulaho kwani, a shutaniswa, kuzwa kwa Orthodox ya kale, kutaha mwa nzila ya Bukreste, ka Moya o Kenile o ni shutanisize mazoho a Isilaele. A bulela kuli, “Ki Mulimu ya shutanisize mazoho aka.” Nasina sa kueza ni ona.

235 Mulemuhe. Cwale, Josefa, ahaniwa ki bahulwani ba hae luli, sicaba sa habo luli, a ikungela munyaliwa wa Bamacaba. Ona cwalo fela Jesu za na ezize; ahaniwa ki Majuda, aikungela Munyaliwa wa Bamacaba.

236 Cwale ha lu baleñi sesiñwi fa. Nina ni Liñolo le li ñozwi faa, Likezo 15. Mi, oh, se ki sika fela se lu lukela kuluta, kupale kumane. Cwale, Ni lumela kuli Ni na ni sona hande, mubale Likezo 15:14. Ku lukile. Ni sepa ye ilukile cwale. Ku lukile. “Simioni ubulezi ka moo Mulimu. . .” Batili, ha lu kaleleni fa timana ya 13.

Ha ba felize ku kandeka, Jakobo a alaba, . . .

237 Cwale, mwa bona, kiñi ze ne ezahalile, ne baile ku Bamacaba. Mwabona? Mi likañi la ba teni, kakuli nebali Majuda. Mwabona?

Ha ba felize ku kandeka, Jakobo a alaba ali, Banabahesu ni mizwale, mu ni teezeze:

Simoni (Yoo ki Simoni Pitrosi) u mi taluselize mw'a kalezi pili Mulimu kutalima habedeni Bamacaba, kuli mwahala bona aipatele sicaba se si susumezwa libizo la hae.

238 Huh! Mwabona, musala ka libizo la hae neli Broy. Ha ni munga, aba mu Branham. Mwabona?

239 Jesu unga Keleke ya Hae, kamba Munyaliwa wa Hae, kuzwa mwahala Bamacaba. Ki Mañolo, aswanisizwe, inge fela Josefa mwa na bezi.

240 Cwale mulemuhe se, cwale, mioyo yeli mwatasa aletare yee. Kihande, se. . .ki, “Mioyo yee,” mu utwisise cwale, “moo ki mwatasa aletare,” kiñi ze ne ba bulaezwi ki muuna wa sibi sina Eichmann. Mwabona? Ba sa swalelezi, ba milioni abona, mwabona, ba siyezi bali Majuda.

241 Cwale, muhupule. Neli sikamañi seo? “Ne ba bulaezwi Lizwi la Mulimu,” isiñi ka bupaki bwa Krete. Kana mu utwisize zeo?

242 Kono, muhupule, Keleke ya taha mwateni, hape, babulaiwa ba Keleke, neli ka Linzwi la Mulimu ni bupaki bwa Jesu Krete. Ki ba bakai ba ba ziba cwalo, mo mwa. . . [Kopano ili, “Amen.”—Mu.] Eehe. Ku lukile.

243 Cwale, kono baa nebasina bupaki bwa Jesu Krete.

. . . bwa Linzwi la Mulimu, ni kwa bupaki bo ne ba bile ni bona:

244 Ki Majuda! Mi Hitler a ba toya, kona mwa na ezelize ni Eichmann, ni Satlin ki cwalo, baba siyezi kaufela ba lifasi. Mwabona? Kono ne ba inezezi hande ka niti ku ze be ba lumela. Mi ba ba bulaya kakuli nebali Majuda.

245 Kana mwa ziba kuli Martin Luther nana ni mulelo o cwalo, ni yena? Ki niti. Na ize, “Majuda kaufela ba lukela ku zwiswa mwateni. Ki ma antikreste.” Mwabona? Kono na li fela mwatasa kalulo isili, mi na si ka libona, na si ka bona Linzwi.

246 Cwale Linzwi, Niti, litaha pili. Ukona ku fougaza cwani Isilaele? Haukoni kueza cwalo. Batili.

247 Oh, mupolofita yani na ka yema cwani fani, zazi lani, ni kubulela kuli, “U bonahala inge nali, Isiaele”? Ha ne balika ku mubonisa libaka ze maswe za bona! Ki hali, “Kiñi,” ki hali, “kaufela ya ku fuyola uka fuyolwa, mi kaufela ya kukuta u ka kutiwa.” Yeo ki niti. Oh muuna! U ka eza cwani zeo?

248 Nako yeñwi ba hupula kuli Mulimu u libezi, mupolofita habona kalulo ye unsufezi yani itaha kwa Majuda. Muuna yani inge ayemi fani, mi Linzwi la Mulimu la sululelwa ku yena. Ki hali, “O Mulena, kana Uka libala sicaba sa Hao?”

Ki hali, “Kiñi se sili bukaufi ni wena?”

Ki hali, “Ki kota ya kulikanyeza.”

249 Ali, “Ki yetelele cwnai kuya mwa Lihalimu? Ipime.” Uh-huh. “Liwate ki lelitungile cwani?”

Ki hali, “Ha ni koni kubala.”

250 Ki hali, “Nina ha Ni koni, mane Hanikoni kulibala Isilaele.” Batili, sha. Haana ku mu libala.

251 Nana ni kufougaza mwana Hae Tota. Cwale, munahane ka zona. Kufougaza mwana Hae Tota, kuli alufe kolo, mi lwa I hana. Cwale, kana zeo ha li mi utwisi buyinyani kuli wakona kuhohoba mwatasa mandobu a samende ni ndondo fa toho, kono mane ha ingunyuyi fateni? Boo ki bunyinyani luli, mwa ziba. Oh, mawi! Eeni.

252 “Ba kumalela kwa Linzwi la Mulimu.” Ne bali Majuda. Nebana ni milao ya bona; neba pila ni yona. Mwa muhupula maabani busihu, cwale? Mwabona? Ne ba pilile ni yona. Mi nebali Majuda, mi nebana ni mulao. Mi mulao neli Linzwi la Mulimu, mane bapila hande ni ona. Yeo ki niti. “Ni kwa bupaki bo ne ba nani bona, ne ba bailwe.” Mi fa nekuna ni mioyo mwatasa aletare, kasamulaho Keleke imano ngiwa.

253 Cwale mutalime. Neba nani, mwa bubofu bwa bona, ba bulaya Mesia wa bona, mi cwale ne ba kutula ka zona. Ne ba li lemuhile. Ne ba li zibile, ha se li felile. Ba Mu bona cwale, ha ba yo taha fapila aletare ya Mulimu. Kono cwale sishemo sa Mulimu si filwe kubona.

254 Mutalime. Cwale, ne ba palezwi, ka mukwa kaufela, kuli babe balumeli, kakuli ne se ba filwe kale liapalo. Kono ki ba fa cwale, ki “mioyo fela mwatasa aletare, kakuli Linzwi la Mulimu, ni bupaki bo ne ba bile ni bona,” ka kuba sicaba sa Mulimu, ili Majuda.

255 Kono cwale, mutalime, sishemo sa Mulimu si taha kubona. Mi Jesu uba fa, mañi ni mañi, siapalo sesisweu, (oh, mawi, mutalime; mubatisize, kasamulaho Keleke imana ku ya), kakuli ne ba utwela ka likute kwa buino bwa bona. Mi nebali libofu, mi ne ba si ka ziba. Ne ba sa zibi. Ne bangile kalulo yona luli yeo Mulimu ya na ba tomezi kuli baeze. Mi fa, fa, Joani utalima fabuse mi ubona mioyo yeli mwatasa aletare. Cwale mutalime, u bona miyo yani. Mutalime mwa na ba bizelize.

Balila bali, “Mulena, kukanga nako yekuma kai?”

Mutalime, “Fa nako nyana fela.” Mwabona?

256 Ha lu ngeni yani, hanze lu shetumuka, kutaha cwalo mwa Mañolo cwale. Ba lemuha kuli ba bulaile Mesia wa bona. Mwabona? Mi ne ba sa zibi, kono cwale ba lemuha. Bafita—ba fita fakuli ba mubulaya, bakutile, ku yo lifa: ba eza bumaswe bwa bona. Mi cwale mutalime sika se ne ba ezize! Mwabona, nebana ni mulatu wa bubulai, kacwalo ba bulaiwa. Mwabona? Ba huwa katata bali, “Mali a Hae abe fahalimwa luna!” Mwabona? Yeo ki niti. Mi baba libofu.

257 Cwale, kambe ne ba si ka ba libofu; Mulimu naize, “Amu batuhele. Ha ba swaneli.” Kono bakeñisa kuli ne ab fofalizwe ki Mulimu, sishemo sa Hae sa fita ku bona. Amen! Mubulela ka sishemo se si makaza! Mi afa mañi ni mañi wa bona siapalo, kakuli Isilaele kaufela u ka piliswa, mañi ni mañi una libizo mwateni liñozwi. Yeo ki niti. Jesu abafa liapalo.

258 Sina Josefa mwa na ezelize kwa bahulwani ba hae; ki mufuta. Mutalime, Josefa ha na yemi fani, mi ha yo fumana kwa mafelelezo. . . A itibahaza kwani fapila aletare, fa aletare ya hae, mwa muleneño wa hae, lubona lwa hae. Ki hali, “Mañi ni mañi amu ni siye.” Musala hae nali mwa muleneñi; ko kukaba Munyaliwa.

259 Mi ki hali ku bona, ki hali, “Kana ha mu zibi?” Yela, u bulela Siheberu cwale. “Kina muhaenu, Josefa.” Oh, mawi!

Se bali, “Cwale, oh, u ka lu kenya mwa butata.”

260 Ali, “Mulibelele fa muzuzu. Mulitele fa muzuzu. Mulimu uezize cwalo ka mulelo. Ha mu ni nepela mwa musima, neli kubukeleza bupilo.” Kanya! Ki fo he cwale, kicona. Ali, “Musike, musike mwa ipa milatu.” Mwahupula kuli Josefa na bulezi cwalo? Ali, “Musike mwa ipa mulatu. Lika kaufela liiketile cwale. Ku felile cwale. Ki Mulimu ya ni lumile kwanu, kuitahanela fapila mina.”

261 Mwa ziba, Bibebe ibulezi kuli ba ka Mu bulelela, ha na Mu bona inza taha, iize, “Kuli, Ki wena Mesia, lwa ziba. Kono, kono, kucwani ka mañiba ao?” Mwabona?

262 Ki hali, “Oh, Ni a zwisize mwa ndu ya balikani ba Ka.” Balikani?

263 Mi cwale ha se ba li lemuhile, bona baba siyezi, ki ba handeleti ni fote-foo sauzande, Bibebe iize kuli ba ka kauhana, ndu ye ku yeñwi yeñwi. Ni kunga mazazi, inge ba lila fela, ni kubokolola, ni ku yembana kwa ni kwa fa bulilo; bali, “Ne luezize cwani cwalo? Lu li ezize cwani? Kiñi, ne lu takisize Mesia wa luna.” Ali, ba ka silisa inge baba tobezwi ki mweli wa mushimani, “Lu ezize cwani litaba zee?”

264 Majuda bani, ki—ki bona batu baba ziba hahulu za bulapeli mwa lifasi; baketwa ba Mulimu. Kono Na ba foufalize, kuli ange luna, mi lubata ku Li wiseza fafasi. Ki katulo yecwani yetahela keleke ya Bamacaba! Ki fo he cwale. Mwabona? Ba foufalizwe ka libaka, ki Mulimu, kuli Aikungele luna, kuba Munyaliwa wa Jesu. Ku ba zwisa mwa. . . Mwabona? Ni kuswaniswa ku sona, ni lika kaufela.

265 Cwale mwabona kuli mioyo yani ki ifi? Ha ki balumeli bene ba bulailwe. Ne se ba ile kale. Ki niti yeo. Mulemuhe, nebali cwalo, ne se ba ile kale. Mwabona?

266 Kacwalo, ba bafilwe liapalo, mañi ni mañi wa bona. Mi cwale Ni bata kuli mulemuhe. Kono cwale sishemo sa Mulimu sa ba potela. Jesu abafa mañi ni mañi liapalo zesweu, sine Josefa mwa na ezelize, sishemo sa hae kwa bahulwani ba hae.

267 Cwale mutalime. Ni ha ne balikile ku ikambusa ku Josefa, hape, kono sishemo sa hae sa ba fitela. Mwabona? “Oh, ku lukile. Zeo li lukile. Ne mu sa bati kueza cwalo. Kono, mwabona, yani neli Mulimu ya na eza zeo. Mwabona? Mulimu na mi lumelelize kueza zeo kuli Akone ku ni lamulela, ni kutisa kwanu kuli Ni to pilisa bupilo bwa batu, Bamacaba ba faa, ko Ni fumani musala ka. Kambe hanina mufumahali haiba—haiba Ne ni ka inelela kwani. Cwale, Na lata musala ka. U ni pepezi bana ba kwanu.” Mi ali, “Ni—Ni. . . Mi cwale—cwale Na taha ni to minga kaufela. Cwale kaufela mina mu ka ba ni zona hande, ni mina. Ni ka mi tisa kwanu. Kaufela luna lu ka pila hamoho, sina lubasi lu luluñwi lolutuna.” Mwabona? Mwabona? Mwabona? Ali, “Nto iliñwi ye Ni bata ku mi buza. Kikuli ndate u sa pila nji?” Oh!

268 Mi amu mutalime, za na ezize ku Benjamine yomunyinyani, ili mufuta wa baba handeleti ni fote-foo sauzande, sina mo lu ka fumanela kasamulaho. Mwabona sa na ezize? Amatela kapili ku Benjamine, awela mwa mulala wa hae ni ku mu kumbatela. Munyana hae ya na pepilwe mwa lubasi kwa mulaho wa hae ha sa ile, mwabona; ka mahe, keleke ya makalelo, keleke ya Orthodox. Ba handeleti ni fote-foo sauzande ne ba pepezwi kwande a Hae, ha Na sa i lo nga Munyaliwa wa Hae wa

Bamacaba. Oh, mawi! Kana seo ha si ezi sesiñwi ku mina! Ki seo foo. Kacwalo mwabona bao bali bona? Ki bao foo.

269 Mulemuhe cwale, ni ha ne balikile ku bulaya Josefa, sishemo sa bona sa ba fitela.

270 Ni ha ne ba likile ku bulaya Jesu, U sa kuta hape, kakuli nebali libofu, mi abafa, mañi ni mañi, siapalo se sisweu. Uka banga abakenye mwateni, kwa hae, ni hakuli cwalo. Ha si ezi shutano ni yekana, kakuli Na bulezi kuli, “Ni ka ba pilisa kaufela bona, kupale kumane.” Mwabona?

Cwale timana ya 10. Mulemuhe, ba kupa “kuatulwa.” Mwabona?

271 Cwale, haiba yani neli Munyaliwa, ne ku kaba sina Setefani: “Ndate, ba swalele,” mwa ziba. Mwabona?

272 Kono ba ki Majuda ba tahile, mwabona. Ne ba kupa kuatulelwa. Mulemuhe hape, mwabona, hape Abulela kuli. . . Mulemuhe, ha ki. . . Na ize, “Ki bana bahesu,” bona Majuda. Baba handeleti. . . Cwale ne ba bata kuatulelwa. Se bali, “Oh, lu ka ba ni ku. . . Lu, lu bata kuli U lu atulele fa lifasi fani.”

273 Ki hali, “Fa nako nyana fela, cwale, fa nako nyana fela.” Kakuli, mulemuhe, ha luboneñi ni i bale. Mi mwa—mwa timana ya 10. Ku lukile.

Mi ha huwa ka linzwi lelituna, bali, Kukanga nako yekuma kai, Mawe Mulena, wena ya kenile mi wa niti, ha u sa lu atulele ka mali a babapila mwa lifasi?

Cwa ba fiwa liapalo yomuñwi ni yomuñwi siapalo se sisweu; mi ba bulelelwa, kuli ba pumule. . . nako ye nyinyani ye nyinyani, mwabona, (mwabona?) nako nyana, mane palo ipetahale ya balikani ba bona. . .

274 Mwabona? Cwale kiñi seo? Bapolofita cwale basweli kukutaza kwa Isilaele. Mwabona?

. . . kufitela balikani ba hao hape. . . balikani ba bona sebelezo, ni ya bana bahabo bona ha ba ka bulawa sina bona. . .

275 Mwabona, bona ba ba lukiselizwe kuezwa cwalo. Mwa bona?

. . . ba bulawe sina bona, kuli kutalelezwe.

276 Mwabona, ka manzwi amañwi, li tomilwe kale kubona. Ki Mañolo, kuli bana ni kuezwa cwalo. “Mi ba pumule fela fa nako nyana. Cwale mu amuhezi liapalo za mina; mu ya kwa hae; mi muine fela foo fa nako nyana, mwabona, mulibelele fela fa nako nyana.”

277 Cwale mulemuhe. Cwale mulemuhe, “Bana bahabo bona.” “Bana bahababo bona ne ba si ka bulawa kale,” ili kotalusa kuli ba handeleti ni fote-foo sauzande ne ba si ka bizezwa kale

mwa Nyandiso. Mi ba handeleti ni fote-foo sauzande kona baba bizizwe.

278 Kambe luna ni nako. Hakulata lu ka linga kamuso busihu, haiba Mulena alata, luka . . . lu si ka kena fela mwa Liswayo leliñwi. Mwabona?

279 Hape, cwale mutalime, bana ni ku bulaiwa ki antikreste. Kona lu sa zo fita mwateni; mulemuhe, mupahamelo wa hae wa mafelelezo, kwa na ilo sinya—sinya bulikani ni Majuda bani kwani. Mi ki yani waya cwalo. Mwabona?

280 Majuda baba handeleti ni fote-foo sauzande baa, ba lukela ku bizezwa kwande ka lipaki zepeli za Sinulo 11. Cwale, mu hupule, ne ba lukela kupolofita.

281 Mu balile cwalo. Ki ba bakai baba balile cwalo? [Kopano ili, “Amen.”—Mu.] Luli, kaufela luna lwa ziba, za kubala Mañolo.

282 Mi za polofita, lipaki zepeli ze za polofita, mwa nako ya Daniele ya licika la bubeli mwa biki ya bu sebente. Yeo ki kalulo ya mafelelezo mwa licika la myaha yemilalu.

283 Mu hupulle mo ne lungezi libiki ze sebente za Daniele? Ne ni bulezi kuli lu ka li tokwa ha se lufitile faa. Ne ni sa zibi libaka, kono Ne nili fela . . . Sesiñwi sa ni bulelela kuli lu ka litokwa, mi ki luna ba faa. Eehe. Mwabona?

284 Mulemuhe, mwa nako ya Daniele. Cwale muhupule, Daniele na bulelezwi kuli, “Mesia u ka taha,” yena mulena, “ki Mesia,” nitaluse, “mi Na ka polofita. Isilaele na sa na ni lisunda ze sebente ze ne sa siyezi. Mi mwahala lisunda ze sebente, Mesia u ka bulawa, ni litabelo za ka zazi ne li ka feliswa.” Kana ku cwalo? [Kopano ili, “Amen.”—Mu.] “Kono ne ku sa na ni lisunda zetaalu ni hafu, ze ne sa liteni.”

Mwa sibaka se, U nga Munyaliwa wa Bamacaba.

285 Cwale, Waya mwahalimu. Mi ha Saile mwahalimu, bapolofita bababeli bataha mwa Isilaele. Mwabona?

286 Mi mioya ye bulailwe yani, cwale, mwahali mwani, ba luli, Majuda ba niti kulo mwani; bene bana ni mabizo mwa Buka yani, bene ba pilile bupilo bo bu swanela ni kuezza lika zende, kupila Bujuda handende ka swanelo. Neba, neba bulailwe ki Eichmann ni babañwi babañata. Sicaba se si sepahala, ma milioni a bona kulo kwani! Mi bona ma German bani baba kunupa mane kushwa, ni ku ba bulaya, ku ba bulaya, ni kuba paheka kwa makwakwa, ni ku ba cisaka, baba omisa ka mulilo, ni lika zeñwi kaufela. Hitler yasina mali, kamba wa pilu yesituhu ya mali ya lapile, ni Stalin, ni Mussolini, ni batu bani kaufela bene ba toile Majuda!

287 Ni sepa kuli yani ki yena ya—ki yena wa lika zesweli naha ye hamoho hamoho, kakuli babile ba kuteka Majuda nako kaufela,

yeo ki niti, u filwe sibaka. Amu kuteka Mujuda, ni Mulimu ku ami kuteka.

288 Cwale, kuna ni sikwata sa Majuda babali bayambaeli, inge fela mo kuinezi ku Bamacaba ki nzila yeswana.

289 Kono Mujuda wa niti, Mulimu ubeile libizo la hae mwa Buka ku si kaba kale mutomo wa lifasi. Mi ki yo nali fa, u bulaezwi mwa nako yee. Mi muhupule, munahane ka zona cwale, mo li bezi ze petehile. Kuzwa kwa kubulaiwa kwa Majuda babakuma fa lule lule bani, batu babasina mulatu, ka linaha za lifasi; fa Mañolo abulela kuli, ona mwa nako yee, kuli mañi ni mañi bainzi mwatasa aletare, ba lemuhile ze ezahalile, mi ba filwe liapalo zesweu.

290 Mi se bali, “Kihande, kiñi? Kana lwakona ku kutela mwa mubuso nako ye cwale?” Mubuso wa Sijuda una ni kutomiwa mwa lifasi, mwa ziba. Joani na bulezi kuli mubuso noliteni, mwabona, kuli u tomiwe.

Cwale, wo ki Mubuso wa Evangeli, mwa bona.

291 Kono mubuso wa Majuda uka kutazwa ki ba—ba bapolofita bababeli baa, kacwalo mulemuhe mu—mu—mu mubuso wa lifasi fa.

292 “Mubuso wa Lihalimu u kotalizwe,” . . .ki majuda, kamba kwa . . .Ni talusa, “ku Bamacaba.”

293 Mubuso wa fa fa lifasi, una ni kutomiwa mwa Mileniamu, kasamulaho, ki Mileniamu kwa Majuda.

294 Cwale mulemuhe. Mulemuhe se cwale, fa, habanze ba—habanze ba kutaza, mwabona.

295 Kale ba—ba bapolofita ba basika taha kale; Majuda ba bene ba lukela kushwela mwatasa Eichmann ni babañwi ki, ufi ni ufi wabona ya na lelilwe, u filwe (ka sishemo) siapalo sesisweu. Mañi ni mañi wa bona ufilwe siapalo se sisweu. Mulemuhe.

Cwale ki sikamañi se si ezahala? Sani si sa ezahala fela . . .

296 Ni sweli kotalima waci yani kwa mulaho kwani, mi Ni ziba kuli seli—seli busihu. Kono Hani lati ku . . .Mwabona, Na—Na . . .Bona . . .balikani ba bayemi kwani bani. Mulimu ami tuse, mizwale. Ni sepa kuli mañi ni mañi wa mina ukayo fita siapalo se sisweu zazi lani, mwabona. Kuyemelela, ni kucincana kwa mulaho ni kwa pata, ni mahutu asweli kuopa. Mi babañwi ba mina musebelize musihali kaufela. Na ziba kuli zeo licwani. Mi mutalime kwanu . . .Mi babañwi ba basali baba shebile macembele bali kuyema. Ni lemuhile kuli baana babañwi bafile basali lipula za bona; mi yomuñwi wa fa, me yomuñwi ni mbututu wa hae. Mi Ni—Ni—Ni—Ni boni zeo kaufela, mwabona, mi Na ziba hande kuli Wa bona. Mulemuhe. Kono ha Ni lati ku mi buluka nako yetelele. Haiba Ni kona fela ku mi tusa kubona Liñusa, kona fela ze Ni bata kuli mueze, mwabona.

297 Cwale mulemuhe Majuda baa. Ni na ni kuesa se, kuli mubone sinulo ya Liswayo lee; mwabona seo sili sona, mioyo yeli mwatasa aletare yee, ni bao ili yona. Cwale mulemuhe.

298 Mwa nako ya Daniele, cwale, kalulo ya bubeli bwa licika bwa sunda yabu sebente. Cwale muhupule, “Mesia na lukela ku bulaiwa fahalihali.” Foo ki fahali. Kihande, fahali a sebene ki kai? [Kopano ili, “Sili ni hafu.”—Mu.] Sili ni hafu. Kreste na kutalize nako yekuma kai? [“Sili ni hafu.”] Yeo ki niti. Cwale, “Kono ku sa siyezi hape, kwa sicaba,” (sikamañi?) “myaha yeñwi yemilalu ni hafu.”

299 Kihande, ka nako yee, kiñi, mwabona, kiñi ze ezahala, kikuli, Munyaliwa wa Bamacaba wa ketiwa mwa masika a likeleke zesupa, mi wa ngiwa mwa halimu.

300 Mi ha kukaba cwalo, Majuda ba kaufela baba bulailwe mwahali mwani bakeñisa bubofu, ba lobezi mwatasa aletare, Mulimu utaha ku to bulela kuli, “Mwabona mo ne siinezi? Cwale Ni fa mañi ni mañi wa mina siapalo.”

Se bali, “Kukanga nako yekuma kai, Mulena? Kana lwa kena cwale?”

301 Ali, “Batili, batili, batili, batili. Balikani bamina, Majuda, ba sa na ni kunyana hanyinyani. Ba lukela kubulaiwa sina mina mo ne mu bulaezwi. Sibatana si na ni kubanga ha si ka sinya bulikani bwa hae.”

302 Cwale mulemuhe. Mi cwale mulemuhe, hape...Cwale muhupule fela, bapolofita ba balukela kupolofita kuya ka Sinulo 11. Mina, mina baba nanuzi mazoho a mina, mu i palezi zona. Mwabona? Mi ba filwe mata.

303 Mi lu ka fumana kuli ki bafi baa, mwa muzuzu fela, haiba Mulena alata. Cwale mulemuhe kuli bapolofita ba ki bafi. Mi cwale Bibeke ya li bulela fa. Luli, Wa bulela. Luli! Mwabona?

304 Cwale, mulemuhe, mwahali hali a se, lisunda zetalu ni licika cwale, kuli basweli kupolofita fafasi fa ni—ni Sinulo kulo fa ili. . . Mi ba—ba polofita mazazi a kuma fa wani sauzande ni myanda yemilalu ka a fote-tuu. Haiba. . .

305 Cwale, kalenda yezibahala ya Majuda, nako ye zibahala ya kalenda ya Mulimu, ina ni mazazi a mashumi amalalu mwa kweli. Kalenda ya Maroma, kuna ni se si ilyanganisize. Kalenda ye zibahala hande ki mazazi a mashumi amalalu mwa kweli.

306 Cwale, haiba mubata kunga mazazi a mashumi amalalu, ni kukeza myaha yemilalu ni licika ku yona, ni kubona mazazi a mashumi amalalu, mi, kihande, kiñi se mu nani? Wani sauzande sili handeleti ni. . . kamba tuu handeleti ni sikisite. “Wani sauzande ni sili handeleti mazazi (mazazi a sikisite),” handende ki myaha ye milalu ni licika.

307 Cwale, mwa bona, hakuna mafosisa ku zeo. Ki zeo foo, za kwanelela fela hamoho sina—sina tamahano yesike yambwinja

haitaha hamoho. Mulemuhe, bapolofita bababeli bani ne ba kutsalize ka myaha ye milalu ni licika, kwa Majuda. Ku seo, ba bizezwa kwande, baba handeleti ni fote-foo sauzande.

308 Mi he, mulemuhe, bapolofita bababeli ba kaniti ki bo Mushe ni Elia. Mwabona? Mwabona? Cwale mutalime, mutalime, zabona. . . Mutalime bulumiwa bwa bona. Cwale mutalime sene ba ezize bapolifita baa. “Bana ni mata a kunata lifasi ka sikuto, kuya fela ka mo ba latela.” Kimañi ya na ezize cwao? Mushe. “Bana ni mata a kukwala mahalimu, mi itokwe kunela ka mazazi a bulumiwa bwa bona.” Ki mañi ya na kwalile lihalimu ka myaha ye milalu ni licika? [Kopano ili, “Elia.”—Mu.] Ki bao foo. Bao ki bona. Mwabona, ki . . .

309 Mwabona, mutu, ha shwa, ha cinci buino bwa hae. Ha cinci sibupeho sa hae, mwabona. Mutalime, ha—ha, hakuna ni . . .

310 Nako ya na wile Saule, mi nekusina bapolofita mwa naha, na sa zibi za kueza—za kueza. Na li lwanisa. Na ya kwa ndwa. Aya ku muloi wa musali wa kwa Endore.

311 Cwale, neli fela mali a lipoho ni lipuli, hana konile kueza cwalo. Mi abiza moya wa Samuele.

312 Mi Samuele ha yo zuha, ki yani ayea fani, mwa siapalo sa hae sa bupolofita. Isiñi zeo fela, kono na sa li mupolofita. Ali, “Kiñi ha u ni zusize mwa pumulo yaka,” mwabona, ki hali, “hauboni kuli so bile sila ku Mulimu?” Ki hali, “Ka nako ye, kamuso busihu, u ka shwela mwa ndwa. Mi ka nako ye, kamuso busihu, ukaba ni na.” Mi kona ze ne ezahalile ona zeo. Mwabona? Isiñi fela . . . Na sa li mupolofita. Mwabona?

313 Mi batu ba ba sa li bapolofita. Cwale lu ka kena mwa butungi nyana ku zeo, mwa mizuzu fela yelikani, haiba Mulena alata. Mwabona?

314 Oh, mawi, mo Ni latela Linzwi lani! Ki kabakaleo, “Mutu haana kupila ka buhobe feela. Linzwi kaufela le li zwelela mwa mulomo wa Mulimu!”

315 Bapolofita bababeli ba ki bo Mushe ni Elia, kuya ka misebezi ya bona ye bonahaliswa hape. Kuli, bwani ibile bulumiwa bwa bona kamita. Cwale mulemuhe, sina mo ne baezelize. Zeo ne li si ka ba cinca. Muhupule, mitangana ba ne ba si ka shwa. Mutalime fela mu . . .

316 Cwale, musike wa lyanganisa, lusika zwa kale ku se. Musike mwa lyanganisa nako ya Elia ya bulumiwa bwa bu ketalizoho ni nako ya bulumiwa bwa hae bwa bune. Ni bile ni mi bulelelanga, mina Keleke ya Bamacaba yesweli kulibelela Elia. Kiniti.

317 Mi ki yo fa ni Mujuda. Muhupule, hakoni kutaha mwa bune; yeo—yeo ki nombolo ya sila. Una ni kuba wa bu ketalizoho.

318 Nako yapili ya na tile, nali Elia, yena kasibili. Nako yabubeli ya na tile, nali Elisha. Nako yetatama ha taha, nali (sikamañi?)

Joani Mukolobezi. Nako yetatama ha taha, ki kwa lingeloi la busebene. Mi nako ya buketalizoho ha taha, u taha ni Mushe kwani, inza kutaza ku bona. Luli. Eeni, sha. Musike mwa mu lyanganisa. Uh-huh.

³¹⁹ Buketalizoho, haiba mwa ziba li—li lipalo zamina za Bibele, buketalizoho ki nombolo ya kuikataleza sishemo. Mi seo kona Sa ezize. Cwale, mutalime, mubata kuziba fo liinzi. Kana Jesu neli mubeleki wa sishemo nji? J-e-s-u, ketalizoho, b-e-l-e-k-a. Kana ki cwalo? Beleka, ka—ka lilato la hao. Mi haiba mufita ku Yena, mu taha cwani, ka sikamañi? T-u-m-e-l-o mwa ku b-e-l-e-k-a. Kana ki cwalo? [Jesu, beleka ni tumelo ki litaku ze 5 mwa Sikuwa—Mu.] Beleka ki nombolo ya sishemo, ku lukile, kwa balumeli.

³²⁰ Mulemuhe, Elia wa pili, yani neli yena. Wa bubeli neli Elisha. Wa bulalu neli Joani. Wa bune neli lingeloi la busebene, kamba mulumiwa wa mafelelezo kwa Keleke, kuya ka Malaki 4 ni Sinulo 10:7. Cwale, nako ya buketalizoho kwa Majuda, ku baba handeleti ni fote-foo sauzande, kwa Majuda, kasamulaho Keleke imano ngelwa.

³²¹ Ni—Ni—Ni ikutwa fela kushutana nyana, mwabona. Mwabona? Mutalime, haiba babañwi ba hupula kuli . . . Ni bata kuli mu utwisise taba ye cwale, mwabona. Haiba nji babañwi ba sa nahana kuli Malaki 4, “uka kutiseza” sicaba, kuli kona nto yeswana ya ka to eza kwani kwa Majuda, mi ba sa nahana kuli ki nto yeswana, haluboneñi fela ni mi otololele seo hande, fa muzuzu. Mwabona, ikona kulyanganisa nyana. Kakuli, mwa hupula, mwa Malaki 4, ili, “Kukutisa Tumelo kwa bashemi . . . kamba bana kwa bashemi.” Mwabona, kukutela ku ndate!

³²² Cwale ha luboneñi ni mi bonise shutano ya bulumiwa. Haiba u tahela ku to kutisa Tumelo ya bana kwa bashemi, na ka latula Krete. Na ka kutela kwa mulao. Kana ki niti? Bashemi ne ba buluka mulao. Mwa utwa nji? [Kopano ili, “Amen.”—Mu.]

³²³ Mulemuhe, fani Elisha, ha to taleleza bulumiwa bwa hae mwa Malaki 4, mwabona, sina Malaki 4, Elia nali anosi.

³²⁴ Kono cwale ha taha ku to kutaza kwa Majuda, ba Sinulo 11, una ni Mushe hamoho ni yena. [Muzwale Branham ukambela mazoho habeli—Mu.] Kacwalo, hakuna kulyangana, neba hanyinyani. Mwabona? Mwa utwa kana? [Kopano ili, “Amen.”]

³²⁵ Mi Elisha ha taha, wa Malaki 4, uinzi anosi. Elia uka mata; isiñi Elia ni Mushe. “Elia” uka taha. Kono ki tozo yeswana, yene, bulezi kuli Elia uka taha kwa kalulo ya mafelelezo ya lusika lwa kaleke, “ku to kutiseza Tumelo ya bana kukutela kwa Tumelo ya makalelo ya bashemi,” ili Tumelo ya baapositola, ili koo mulukela kukutela teñi. Mi antikreste u ba comozi mwateni kaufela. “Ku kutiseza,” sina Mañolo amñwi kaufela ha tamahana hamoho. Mwabona, u taha ka yena anosi. Mwabona?

326 Kono cwale ha taha kwa Keleke, Bibe. . . kamba ha taha ku ba handeleti ni fote-foo sauzande, Bibe ibulela hande patalaza kuli bubeli bwa hae . . . Kuna ni bababeli ba bona, ha ki alimuñwi wa bona. Ki bababeli ba bona! Mi bulumiwa bwa hae ne bu si ka nga Majuda ni kuba kutiseza mwa mulao, kuba yena . . . kakuli u taha, kukutaza Krete ku baba handeleti ni fote-foo sauzande, amen, “Ki Yani fani, Mesia yani na bulailwe.” Amen! Kona cwalo, konakuli musike mwa li kopanya. Ha ki kulyanganisa. Mañolo ha pumi, neba hanyinyani.

327 Kanya! Oh, ha Ni bona sani, Ne ni tulile! Na li, “Ni Itimezi, Mulena,” ha Ni si bona si ezahala kwani. Na bona Elia yani ha ya kwanika nako yapili, yena kasibili, mi nali fela anosi. Mi ha Ni mubona hape, kwahule koo kusili, neli bababeli ba bona zeo ha li ezahala. Nali, “Ki seo foo. Sani, sani kona se si peta lika, Mulena. Amen! Na si bona cwale! Haleluya!” Ki sona luli.

328 Kambe ne Ni si ka si bulela, ne si ka lyanganisa ku yomuñwi. Kono Na—Na ni bulelezi kuli ni si bulele, kacwalo Na bulela.

329 Mulemuhe, baana ba bulukilwe inze ba pila ka Mulimu, kuzwa kwa bulumiwa bwa bona bwa makalelo, kuya kwa sebelezo ya kwapili; ne ba li sebelize handende luli. Mwabona? Munahane fela, ona moya wa Elia wani u kutaza linako ze ketalizoho; Mushe, habeli. Sikamañi? Kuba buluka inze bapila kwapili, kwa sebelezeya kwapili.

330 Nekusina neba alimuñwi wa bona ya na shwile cwale; musike mwa lumela zeo. Bubeli bwa bona ne ba bonwi, inze bapila, neba apola ni Jesu fa Lilundu la Petuho. Kono, muhupule, ba swanela kushwa.

331 Cwale, cwale, Mushe mane na shwile. Kono na zuhile, kakuli nali mufuta o petehile wa Krete. Mwabona? Hakuna ya na ziba kwa na pumbekilwe. Mangeloi kona ana mungile. Mwabona? Na bile ni Lingeloi lene li mulwezi. Uh-huh. Kiñi? Hakuna mutu wa nama ni mali ya na ka muisa kwa na ya. Na ile fela mwa kezo, ku felile. Na bile ni Mangeloi, balwali ba mufu, mwabona, kakuli Na muisize kwa na swanela kuba. Hakuna mutu ya na ziba.

332 Neba ku Satani, mane na sa zibi. Na tundanile ni Nduna wa mangeloi. Yeo ki niti. Na si ka utwisisa se ne si ezahalile ku Mushe. “Na mu bona inza njanja fani. Ni kotalima mwabuse mwa naha, ni kotalima kwa mulaho kwa bana, ni zeñwi cwalo, Ni muboni inge asweli kunjanja. Kono a yo hata fa Licwe, mi yani neli nako ya mafelelezo ha Ni mubona.”

333 Lani kona Licwe! Lani kona Licwe! Haluboneni ni yeme fa Licwe lani, kwa mafelelezo a musipili waka! Eeni, sha! Cwale, ki . . . Mizwale baka babansu ne ba tahanga kwanu ku to opela pina nyana, “Kambe Na kona, Ne ni ka yema luli fa Licwe lani fana yemi Mushe.” Eeni, sha! Oh, lani kona Licwe le Ni bata kuyema teñi, nina. Ka tumelo Ni yemi fateni.

334 Kono muhupule, Elia, na katezi fela, kakuli nana ni musebezi omuñata fapila hae. [Muzwale Branham wakuza. Kopano ya seha—Mu.] Kacwalo na sa katezi maswe maswe luli, mi Mulimu amu luma fela kupahama kuliba kwa Hae, yeo ki niti, aluma koloi. Kana ku cwalo? [“Amen.”] Amu ngela mwahalimu. Na si ka shwa, kakuli Na mu bulukile inza pila. Nana ni musebezi wa na lukela kueza kwapili. Ha toze mutu, hape, mwabona, kutaha cwalo mwa Moya.

335 Kono balukela kutatuba lifu. Cwale Sinulo, kauhanyo ya 11. Cwale, ha lu yeni, Kina yo fa nihakuli cwalo. Halu nateñi fateni, Sinulo 11. Mutalime mubone haiba ha ba bulaiwi bubeli bwabona. Eeni, sha. Bubeli bwa bona bana ni kutatuba lifu. Eeni, sha. Kasamulaho wa bulumiwa bwa bona bufela, ba tatuba lifu. Sinulo 11, m ha lu kaleñi fa timana ya 7.

Mi hali ka feleleza . . . bupaki bwa zona, sibatana se si zwa mwa mukoti . . . si ka to li lwanisa, . . .

336 Oh, mawi, hasikoni ku itiisa; bapikuluhu babakenile bani bakutile hape, mwabona. Ku lukile. Ku lukile.

. . . se si zwa mwa mukoti . . . si ka to li lwanisa, si li tule si li bulaye.

337 Kono mutalime se si ezahala. Ba swanisizwe hande cwale.

Litupu za zona li ka siyala mwa patelo—mwa patelo ya munzi o mutuna, . . . o bizwa Sodoma ni Egepita ka . . . nguli, hape ki mw'a na kokotezwi Mulena luna fa sifapano, (Jerusalema, mwabona).

338 Cwale bana ni kutatuba lifu, (nji cwani?) yeo ki niti, kasamulaho bulumiwa bwa bona bufela.

339 Kiñi? Bulumiwa bwa lingeloi la busebene, bulumiwa bwa lingeloi la busebene, bulumiwa bwa Elia kwa lingeloi la busebene, isiñi . . . Kiñi kanti, kiñi hakusike, nitaluse, Ni lika kubulela kuli, bulumiwa bwa lingeloi la busebene kanti bube ka Mushe, haiba ha ki ya shwa, ka kuswana fela sina Elila mwa na ka bela? Kiñi ha ba sa . . . Kiñi kanti Mulimu ha na si ka luma, kuli, “Elia, u—u sebelize katata luli, Na . . . ni lika kaufela, libaka zeshutana ze kaufela. Na—Na lumela Ni ka luma fela Mushe kwatani?” Kiñi?

340 Amutalime bulumiwa bwa Mushe. Elia nali mupolofita kwa linaha kaufela; kono Mushe nali mufani wa mulao kwa Majuda fela kihona. Amen. Mushe ubezi teñi kubulela kuli . . . Libaka latahezi ni Elia . . . Majuda bani ba li, “Libelela, lu sa buluka mulao kwanu.” Kono fa kuyemi Mushe kasibili; mi fa kuyemi Elia bukaufi ni yena. Oh! Mwabona? U taha kwa Majuda fela. Mwabona? Mushe naile fela kwa Majuda; mupolofita Elia neli kwa linaha kaufela. Kono Mushe aba mupolofita kwa Majuda, ni mufani wa mulao. Mwabona? Lani neli liñusa la hae, mulao.

341 Kono liñusa la Elia neli lelicwani? Kwa basali bene ba kuta milili; likopano. Eeni, sha. Mi na ba pazaula luli mwa liemba emba. Lifateho ze pentilwe; aba bulelela, “Mu ka ciwa ki linja.” Luli na ba pazauzi fahali.

342 Mi cwale Moya wa hae hautaha ku Joani, azwa mwa lihalaupa ni kueza ze swana. Kiniti. Ali, “Musike mwa nahana kuli lu ba sibaka *se* kamba *sani*. Mulimu wakona kuzusa bana ba Abrahama ku ona macweaa.”

343 Aya ku Herodiasi, alil, “U ni bulelela kuli u nyezwi ku mulamo’e. . . ?” Ali, “Ha ki mulao kuli eze cwalo!” Oh, muzwale! Whew! Hum! A mu bulelela. Luli.

344 Mulemuhe, mioyo ye ilukela kulibelela fa nako nyana, kuli baba handeleti ni fote-foo. . . kuli ba bulawe. Oh, hanili zeo, kana. . . ? Zeo libeya fela Bibeles hamoho.

345 Cwale nako yaka i felile hande luli, haiba Ni zwa ka kuitahanela. Kono Ni na ni zelikani fela za kubulela, haiba mwakona ku itiisa. [Kopano ili, “Zwelapili!”—Mu.] Na ziba kwa cisa. Mi Na fufulelwa.

346 Kono, amuteeleze, Ni nani fela sa ku mi bulelela. Ki nto yende fela, sisweli sa cisa mwa pilu yaka. Ni sepa hamusika si libala, mwabona. Halu boneñi ni bulele cwana, fapila Kubatani kwa Hae. Ka sishemo sa Hae, U ni lumelelize kubona sicaba sa hesu, ha ki kale hahulu, mwa liapalo zesweu. Mwa hupula cwalo? [Kopano ili, “Amen.”—Mu.] Mwahupula? Mwa hupula likande, ha ki kale hahulu? [“Amen.”] Munyaliwa wa Bamacaba, bateni kwani cwale. Kaufela bona ne ba apezi liapalo zesweu.

347 Ne se ni zuhile. Ne ni li kwa mukopano. Seli mwaha kwa mulaho, nako yelikani fela cwalo. Na zuha kakusasana omuñwi, mi Na nanuha. Se Ni li, “Mulatiwa?” ku musala ka. Na si ka shenya. Banana nelika sa. . . Ne ni na kuzuha kubaisa kwa sikolo, ona kwanu kwa sibaka sakale. Kihande, Na—Na zuha fa mumbeta, mwa ziba, ni kuyendamena cwalo. Mwa ziba mo kubelanga; waina ni kuyendamena toho kwa litho za mumbeta. Luna ni mumbeta wa mifuta ya kale yani. Mi kacwalo Na yendamena fela sina *cwana*.

348 Mi Na hupula kuli, “Mushimani, so na ni myaha ye fifite-sili. Haiba uka ezeza Mulimu sika, kihande usieze cwanoñu, kakuli ukaba ya—ya supezi luli, kasamulaho wa nako nyana.” Mwabona.

349 Mi Na hupula kuli, “Mwa ziba, yeo ki niti, cwale.” Na hupula kuli, “Mushimani, wa ziba, Ha ni sa li kwahule hahulu. Ni kabe ni ile cwanoñu faa.” Na li, “Zeo—zeo seli mwaha omuñwi kufita bondate mo ne bapilezi.” Mwabona? Na hupula kuli, “Ni lukela kuya cwanoñu faa. Na si bona. Mi, fa, Hanisi ka ezeza Mulimu sika, kale.” Na hupula, “Nibile ni bata ku Mu ezeza sika nako ye

kaulfea.” Na hupula, “Ni lukela kuakufa ni ku si eza, haiba Ni ka lukela ku si eza. Mi ha Ni zibi mo Ni ka si ezeza, kufelile.”

350 Na hupula kuli, “Muuna, Ni sepa kuli Ni ka pila ku yo Mubona ha taha. Ha ni lati kuyoba sipuku, kamba silumba.”

351 Mwabona, Ne ni sabanga bilumba kamita. Mi cwale, mwa ziba, mufuta wani wa . . . Ne ni hupulanga kamita kuli, inge hane Ni ka katana Muzwale Neville mi yena abe fela inge lilo nyana lelisweu le li fitafita, mwa ziba. Mi Ne ni kali, “Lumela, Muzwale Neville.” Mi na ka bulela kuli, “Lumela, Muzwale Branham,” ka maikuto amañwi cwalo; nasike abulela. Kono Ne ni ka ziba fela kuli ki Muzwale Neville. Eehe. Ne ni ka tabela kumuswala mwa lizoho sina mo Ni ezezanga kamita. Kakuli, kona fela ze Ni ziba, ki za butu. Mwabona, Ne ni ka tabela mu muswala mwa lizoho, kanti haana lizoho. Liinzi mwatasi mwa libita mwani, libolile. Mwabona?

352 Na hupula kuli, “Mawi, Ni sepa Hanina kufita ku zeo.” Cwale, Ne nili . . . Cwale Ni ka mi bulelela niti. Ne—Ne ni saba kusaba; isiñi kusaba kuli Ne ni ka lateha, kono Ne ni sa lati kuba si moya. Ni bata fela kusiyala nili mutu. Ne ni bata kulibelega Kungelwa, mwabona. Ne ni bata fela kuina fela ona cwalo. Ne ni sa lati kuba moya, inge ni pikuluha fela. Ne ni lobezi fani, inge ni nahana ona zeo.

353 Mi, hañihañi fela, kwa ezahala nto yeñwi. [Muzwale Branham uliza munwana wa hae hañwi—Mu.]

354 Cwale, mwa ziba, mi kaufela mina mwa ziba, ka za pono. Mi haiba ye neli pono, Na likuba ni be ni yecwalo fateni, mwabona. Mi Ni bile ni zona kuzwelela Ni sali fela mushimani yomunyinyani.

355 Mi, ona fani fela, sesiñwi sa ezahala. Mi Na ikutwa kuli na zwaa. Na hupula kuli, “Uh-oh.” Mi Na—Na hupula nali, “Ni—Ni shwile kufelile, mwabona, mi Ni—Ni iikezi.” Mwabona?

356 Mi Na fita mwa sibaka, mi Na hupula kuli, “Na sepa Ni talime kwa mulaho.” Neli fela za niti, balikani, inge mo Ni yemezi ona fa cwana. Mwabona? Mi Na sikuluha, kuli nitalime kwa mulaho. Mi Ne nili fani, inge ni lobezi fa mumbeta. Mi Na otoloha, inge ni lobezi bukaufi ni musala ka.

357 Na hupula kuli, “Kihande, neli neli butuku bwa pili.” Mwabona? Na hupula kuli, “Kihande, mwabona, Ni shwile fela ka sipundumukela,” yeneli fela nzila yende yakuya ka yona. Kacwalo, Na nahana kuli, “Bwani ki butuku bwa pilu. Ne ni sa lukeli kunyanda.” Na talima, mi Na hupula kuli, “Kihande, cwale, se ki sesinca. Ki Na yani, ni lobezi fani; mi ki Na yo, ni yemi faa.”

358 Kacwalo, Na sikuluha. Ne ku bonahala inge simu yetuna—inge simu yetuna, cwalo, kamba nto yeñwi, neli fela simu yetuna

yebapukile ya bucwani bwa mubala wa bundilu. Mi—mi Na li, “Kihande, Hani zibi kuli se ki sikamañi?”

359 Mi, hañihañi fela, hane Ni talimezi, se kutaha likitikiti za likitikiti za basizana babanyinyani, kaufela bona mwa liapalo zesweu, milili ne ilepelela mwa liteka zabona, bainzi fela mahutuhutu, mi ne ba ni matela. Na hupula kuli, “Cwale se ki sikamañi?”

360 Na sikuluha, na talima kwa mulaho *kwani*, ki Na yani faale; ha ni talima neku *le*, ki bao bataha. Na ituma kwa munwana. “Ha—Ha—Ha—Ha ni si ka lobala, luli.” Kono, Ne ni utwa ka kuswala. Mi se Nili, “Kihande, he, ki nto yeñwi cwale, ki lisheha.”

361 Mi basali ba kaufela ba taha, inge bamata. Mi Nali kuba ni bone fateni basali babande cwalo mina! Mi kaufela ne ba taha, inge bani matela. Mi ha ba ni matela cwalo. . .

362 Mwa ziba mo Ni bezi, mufuta wa. . . Ba ni bizanga kuli ni toile basali, kono ha Ni cwalo, mwabona. Kono, Ni—Ni nahana fela, musali yomunde ki alimuñwi wa. . . ki licwe lelinde. Kono, Ni nahana kuli, yasiyo hande, ki, sina Solomoni ha bulela kuli ki, “mezi mwa mali a hao.” Kacwalo Na mane hanina tuso ya—ya musali wa libubo lelimaswe kamba ya inuneka kuziba lika.

363 Mi kacwalo basali ba bataha cwalo. Ba kala ku ni kumbatela mazoho. Cwale, zeo ha ki za sitwaelelo. Mwa ziba ha Ni koni kuyemela zecwalo. Kacwalo, mi neba sweli. . . Cwale, Ni ka bulela se ka nzila ye, kuli, Ni—Ni inzi mwa sikwata se si kopani. Kono, ne bali, ne bali basali. Ne bali basali. Mi neba—neba ni kumbatela, mañi ni mañi, mi bali, “Mu—mu muzwale waluna yomunde!” Mi alimuñwi na ni kumbatela, mi yomuñwi wa ni kumbatela ni yena.

364 Ne ni yemi fani, inge ni talimela. Na hupula nali, “Kihande, cwale, se ki sikamañi?” Mwabona? Mi Ne ba yemi fani. Na hupula kuli, “Kiñi ze ezahalile?” Na talima fafasi. Kina yale faale, ni lobezi *fani*; mi hape ki Na yo fa, ni yemi *kwanu*. Na hupula kuli, “Cwale, se si ipitezi. Na—Na palelwa ku utwisisa.”

365 Mi basali bani inge basweli kuhuwa, “Oh, muzwale waluna yomunde,” inge bani kumbatela. Cwale, nebana ni maikuto kaufela, handende, neli basali.

366 Cwale mu ni swalele, likezeli, hanze Ni bulela se, kakuli. . . Kono muteezeze ku dokota wa mina; mi haiba haluna minahano yekenile, kipeto ha lu Bakreste. Hanina taba. . .

367 Na ni bile nipila ka kukena kamita. Mulimu uziba cwalo. Hane Ni li fela mushimani yomunyinyani, Lingeloi la Mulena ne li ni bulelezi kuli nisike na silafaza mubili waka, kuzuba, kamba kunwa. Mi yeo ibile niti. Ka sishemo sa Mulimu, Ni bulukile seo. Hane Ni li muezalibi, Ne ni si ka mata mata ni basali. Mi kacwalo. . .

368 Kono muuna kaufela ya lumeleza musali ku mu kumbatela mwa mazoho, yena inza bupilwe ka mata a buuna, ni musali, una ni za sisali, kukaba ni maikuto. Hanina taba kamba ki wena mañi, cwale, usike wa ni bulelela kuli wena nya, haiba u mutu ya kwanile hande.

369 Kono, isiñi Kwani; kakuli hamuna, ni hanyinyani, maselu a shutana. Hamuna ku eza sibi Kwani. Nekuna ni cincheho. Nekusina fela zeswana sina lilato la sizwale kwa basali bani.

370 Nihaikege, mwa sishemo me ne ba talima; Ni sepa, mu—mu musali, musali yomunde ya ipulukile hande, ni kuzamaya sina kalibe, ki—ki mutala wa licwe la butoka mwa lifasi. Na—Na lata sika kaufela se si na ni muhau. Ni sepa, mu—mu musali ya ina mwa sibaka sa hae, ni kulika kuba kalibe, ki yena—ki yena sibupiwa sa likute. Na lumela ona cwalo. Mi Ni sepa kuli, ya si cwalo, u swana fela sina—sina Kreste ni antikreste, ki nto yeswana.

371 Ni—Ni tabela sika kaufela sa za taho. Kuswana sina pizi yende, kamba sika kaufela, si ka yema fela mwa sibupeho sa sona sakuna pizi yende. Kamba, sika kaufela se si cwalo, lilundu lelinde, basali babande, baana babande, sika kaufela se si yema mwa pupo ya Mulimu, Na kamita zeo na ikumbutanga zona.

372 Mi ba ne ba petehile. Kono hakuna taba kamba ne ba ni kumbatela cwani mwa mazoho abona, mi nebali basali, mwa utwisisa, kono ne ku si na sibi. Maikuto a buuna ni a busali, kaufela, na felile. [Muzwale Branham ukambela mazoho hañwi—Mu.] Mu lumbe Mulena! Ne bali likezeli zaka, handende.

373 Na talima. Mi Na kala ku . . . Na—Na talima mazoho aka; Na bona kuli neli a bwanana luli. Mi Na talima; Ne nili mwanana nina. Mi Na . . .

374 Mi na latehelwa ki milili yaka, mucaha fela; kubeya kaboliki asidi kuyona, mukuti wa milili naezize cwalo, ni ku ikukula kaufela yona inge Ni sali fela mushimani. Mi ibile mukwa o cwalo kamita wa—wa nto yecwalo kuna, kuli Ni—Ni—Ni banga ni sihotolwa kapili, kakuli litalo la toho yaka libunolo luli, mwa ziba. Mi mibisi ya milili isaliteni mwani, kono ne i cisizwe ki kaboliki asidi, mi kipeto milili haikoni kumela nikamuta, mwabona.

375 Mi Na ya, musala ka, hane Na . . . myaha ya kale ne ni itekezi kakuwani ka milili, kaemba nyana ka milili, neni ka tinanga, kuapesa fa toho. Kono Neni banga kamita ni maswabi ku ka tinanga, kakuli ne ka bonahala inge kanto kakasiyo hande. Mi Ne ni sa latani sika sa buhata.

376 Mi kacwalo Na hupula kuli, “Ni ka itinelanga fela kuwani.” Mi, Na eza cwalo, fa nako nyana. Mwa ziba se ne ba ezize? Ne ba bata kuni biza kuli “bishopu” nako yani, bali Ne ni bata kuba . . . Mwabona? Ne ni bulezi kuli, “Ha zamaye.”

377 Kacwalo Na kataeza fela kwa silami, mi ni kutuhela... Kono, Na...mina...ki kunanula fela mahaulo ao, kamba sika kaufela, ku sa kena fela moya olikani cwalo, mushimani, Na shangumukelwa.

378 Cwale Ne ni ile ku dokota ku yo mu buza, kiñi zana nahana. Kihali, “Kihande, mwabona, mi—mi misima ya hao ikwaluhile. Usweli kufufulelwa, kwa kukutaza. Moya wani ha utaha. U—u ni beyanga moya wa silami mwa mamina, mi kipeto angongela mwa mumizo wa hao. Habusa kakusasana wa sileha linzwi. Ki cona.”

379 Mi—mi kacwalo, oh, mawi, mina balikani babana ni milili, ha mu zibi mo mu lukela kubela baba itumela, ka kuba ni yona. Yeo ki niti. Mwabona?

380 Kihande, cwale, Ni fumana kuli, ki, kuli Ni—Ni ka ba... Leliñwi la mazazi aa, haiba Ni sa bi ni meeno aka, Ni ka tokwa kuba ni amañwi aona, mi, kacwalo, kamba ku si cwalo hanina kuba ni ona.

381 Kacwalo haiba mutu—haiba mulikani...Kihande, Hani koni kunahana kuli kwakona kuba cwalo ku muuna, hana ka tabela kueza cwalo, atine milili kwa toho, kufita musali ha na ka tina amañwi a malukwe a lipeba aa, kamba babeya siamañi kaufela mwa milili cwalo, kuli i be cwalo. Mwabona? Kono—kono, kakuli, ha mueza cwalo, kuitingile ka se mu ezeza zeo. Mwabona? Ku itingile ka libaka lo si ezeza. Mi kacwalo... .

382 Kono, kanti he, inge ni yemi fani, Na ikutwa, mi Na ba ni milili yaka hape. Mawi! Nenili mwanana. Mi baa, baa kaufela, banana! Mi Na hupula kuli, “Kihande, hanili se ki sesinca! Ki ba fa.” Mi ne basweli kumata kaufela... .

383 Mi Na talima, kutaha, mi Na—Na bona Hope inza taha. Na bonahala...Mwa ziba, na shwile ni myaha ye twenti-tuu. Nana sa bonahala fela yomunde sina kamita. Buñata bwa mina mwa muhupula; ona meeto amatuna amansu ani. Na li musali wamu German. Milili ya he yensu inge inata kwa mukokoto wa hae. Na hupula, “Cwale, ha ka fita fa, uka bulela kuli—kuli ukali, ‘Bill.’ Na ziba uka bulela. Na ziba kuli ukali, ‘Bill,’ ha ka to fita fa.”

384 Ne ni sweli kutalima. Mi ufi ni ufi wa basali bani na taha ku to ni kumbatela, bali, “Oh, muzwale yomunde, lu tabile hahulu ku kubona!” Mi Na hupula...Mañi ni mañi natinile zeswana, kono ne ba na ni zeshutana, mwa ziba, milili yefubelu, ni milili yensu, ni ye li telee. Mi—mi neba taha cwalo, kono kaufela nebali banana.

385 Mi ha yo fita kuna, Na hupula kuli, “Ni ka bona fela sa ka bulela.”

386 Mi a ni talima, ni kubulela kuli, “Oh, muzwale wa luna yomunde!” A ni kumbatela, ni kuya kusili. Basali babañwi ba taba, ba ni kumbatela, yatatama.

387 Mi Na utwa lilata. Ni kutalima fabuse neku *le*, mi se kutaha sikwata sa micaha, mitangana fela, kaufela mwa lilimo ze mashumi amabeli cwalo. Nebana ni milili yensu, ni milili ye fubelu. Mi kaufela nebana ni liapalo ze sweu, inge bali fela mahutuhutu. Mi ba matela ku na ni kukala ku ni kumbatela, inge bahuwa, “Muzwale yomunde!”

388 Na hupula. Mi Na sikuluha kwa mulaho, Ne nili fani, ni sa lobezi faale. Mi Na nahana kuli, “Kihande, cwale, se ki sesinca.”

389 Mi ona fani fela Linzwi la utwahala kuambola ni na. Ne ni si ka bona libona Linzwi lani. La li, “U kopanezi, mu—u kopanezi kwa sicaba sa hao.” Mi baana babañwi ba ni nga, ba ni toma mwahalimu fahule cwalo, fa sika sesituna mwahalimu sina *cwana*.

Se nili, “Kiñi ha mu ezize cwalo?”

Bali, “Mwa lifasi no li mueteleli.”

Mi se Nili, “Kihande, Ha—Ha ni utwisisi se.”

390 Mi Linzwi le li ambola nina lani. Neni sa li boni Linzwi lateni. Cwale, Nelili fela fahalimw’a ka, ine libulela nina.

391 Se nili, “Kihande, haiba Ni—haiba Ni welezi, Ni bata kubona Jesu.” Se nili, “Ni. . .Na li hahulu. . .Na li yena bupilo bwaka kaufela. Ni bata ku Mu bona.”

Mi kacwalo Ali, “Ha ukoni ku Mu bona cwale. U sa li fahalimu nyana.”

392 Mwabona, ne li mwatasa aletare, mwani, mwabona, sibaka sa busikisi, ko batu bayanga, mwabona; isiñi sa bu sebene, ko kuinzi Mulimu, kalulo yabu sebene. Neli yabu sikisi!

393 Mi ne bali—mi ne bali kwani kamukana, inge basweli kufita fita. Mi se Nili. . .Ne ku bonahala kuli neli ma milioni abona. Nali kuba ni ba bone. . .Mi, ha Ni yo ina fani, basali bani ni baana bene ba ni matela ku to ni kumbatela, ba ni biza kuli “muzwale.” Mi Na ina fani.

394 Mi cwale Linzwi lani, “U kopanezi kwa sicaba sa hao, sina Jakobo mwa na kopanezi kwa sicaba sa habo.”

Se nili, “Baa kaufela, ki sicaba sa hesu? Kikuli baa kaufela ki baha Branham?”

Mi ali, “Awa. Ki babafetuhezi ku Krete ba hao.”

395 Na talima kafa ni kafa. Mi nekuna ni musali yomunde luli ya to ni matela. Na bona fela yaswana cwalo. Ani kambeka lizoho mi ki hali, “Oh, muzwale waka yomunde!” A ni talima.

396 Na hupula kuli, “Mawi! Na bonahala inge Lingeloi.” Mi sa ikela.

Mi Linzwi lani lali, “U mu zibile yani?”

Se nili, “Batili, Ha ni si ka mu ziba.”

397 Lalil, “No mu tisize ku Krete inge ana ni myaha yefitelela nainte.” Lali, “Wa ziba ha sweli kunahana hahulu ka wena?”

Se nili, “Musizana yomunde yani nana ni myaha kufitelela nainte?”

398 “Eehe.” Ali, “Ha sa na ku cinca ni kamuta cwale.” Lali, “Kona ha bulela kuli, ‘Muzwale yomunde.’”

399 Na hupula, “Oh, mawi! Mi kona ze Ne ni saba ze? Kiñi, batu baa ki baniti.” Bona, ne ba sa yi kusili. Ne ba sa katali, kuba Kwani.

Mi se Nili, “Kihande, kiñi ha Ni si ke kubona Jesu?”

400 Lali, “Kihande, cwale, U ka—U ka taha zazi leliñwi. Mi Uka taha ku wena, pili, mi kona uka atulwa.” Lali, “Batu baa ki ba hao bo fetulezi kwa bupilo.”

401 Mi se Nili, “U talusa kuli, ka kuba mueteleli, kuli Ni. . . kuli Uka ni atula?”

Ali, “Eeni.”

402 Mi se Nili, “Kana mueteleli kaufela ukaba ni kuatulwa ona cwalo?”

Ali, “Eeni.”

Se nili, “Kucwañi he ka Paulusi?”

Ki hali, “Uka tokwa ku atulwa ni ba hae.”

403 “Kihande,” Se nili, “haiba sikwata sa hae si ka fita, ni sa ka si ka fita cwalo, kakuli Ni kutalize ona cwalo Linzwi leliswana.” Ki cona. Se nili, “Ha na kolobelize ka Libizo la Jesu, Nina, ki cwalo. Ne ni kutalize. . .”

404 Mi bolule-lule ba huwa, kaufela hamoho, bali, “Lu yendamezi ku zona Zeo!”

405 Mi Na hupula, “Mawi! Kambe Ne ni ziba liak ze Ni sika taha kale kwanu, Ne ni ka tisa batu kwanu. Habakoni ku latehelwa ki sibaka se. Kiñi, mutalime kwanu!” Mi cwale. . .

406 Mi ki Hali, “Cwale, zazi leliñwi Uka taha, mi kona. . . Cwale, kwanu, ha lu cangi, kunwa, kamba kulobala. Kaufela lu nto iliñwi fela.”

407 Kihande, ha ki bunde; lifitelela bunde. Ha ki bupetehi; li fitelela bupetehi. Hakuna libizo lelikona. . . Ha ukoni kunahana. . . Hakuna manzwi mwa mishobo akona kubulela lika zateni. Mu fitile fela, kufelile.

408 Mi Na hupula nali, “Kihande, se, se sikaba hande. Mi cwale lu ka eza sikamañi hape?”

409 Ali, “Kuzwa foo, Jesu ha taha, mi luka. . . mi A kuatula, kamba kwa bulumiwa bwa hao, kona lu ka kuta mwa lifasi ku yo apala mibili.” Kihande, Ne—Ne ni si ka nahana zeo fateni. Ki Mañolo handende. Ali, “Kona lu ka kuta mwa lifasi ku yo

apala mibili, mi lu ka ca. Kwanu ha lu cangi, neba ku lobala.” Ali, “Kwani lu ka yo ca, kono luka tuluka kuya mwa lifasi.”

410 Na hupula nali, “Mawi, kinto kwa bunde! Oh, mawi! Mi kona ze ne Ni saba zee. Kifi ha ne Ni saba kushwa, kutaha ko ku cwana? Kihande, bo ki bunde, kukopanya ni bunde, kukopana ni bunde. Oh, se ki sesinde!”

411 Mwabona, neluli mwatasa aletare. Mwabona? Kwani neli kona, mwabona, mwatasa aletare fela, lu libelelezi Kutaha, mwabona, kuli Yena ayonga baba lobezi bani yona. . . yona—mibili ye lobezi mwa liluli, ku lu zusa hape; uka taha, alu zuse.

412 Sina Jesu mwa na tahezi mwa paradaisi, ni kutisa Abrahamama, Isaka, ni babañwi kaufela, mwa ziba, be ne ba libelezi zuho yapili. Ba kena mwa munzi ni kubonahala ku babañata.

413 Zeo ki za Mañolo luli. Pono neli kuli, kamba kaufela sene ili sona, neli ya Mañolo handende.

414 Mi se Nili, “Kihande, hanili se ki sesinde!” Mi Na nahana kuli, “Hanili ki se sind- . . .?”

415 Na utwa sesiñwi se si lila, inge pizi. Mi Na talima. Neli pizi yaka yene ni pahamanga, neibizwa Prince, ne Ni hupula hahulu ka yona. Ki ye yataha, inyemi bukaufi ni na, mi ya beya toho yayona fa liheta laka, kuli kumbatela. Inge mo ne ni ifelanga shuka, mwa ziba, mi ya beya. . . Na ikambeka lizoho. Se nili, “Prince, Ne ni ziba kuli uteni kwanu.”

Na utwa sika se si ni lwaza kwa lizoho. Neku yemi nja yaka ya boya bobuyemi.

416 Bo—bo fani Bo. Short, hane baifile sifanu mane yashwa, Ne ni bulezi kuli Ni kaba bulaya Bo. Short ka ni bulaela nja yaka. Nenili fela wa myaha ye sikisitini ya kupepwa. Ne ba ibeezi mulyani, bai fa sifanu. Mi bondate na ni katanyeza ni tobolo, inge ni ya kwa kuba kunupa, ona kwa ofisi ya mapokola. Mi se Nili, “Ni ka ba bulaya.” Se nili, “Kihande. . .” Na ya kwa libita la nja. Na—Na ipumbeka. Se nili, “Fritz, ubile sina mulikani kuna. U ni tinisize ni ku niisa kwa sikolo. Ha no ka supala, Ne ni ka ku babalela. Kono cwale ba ku bulaile.” Se nili, “Na ku sepisa, Fritz, kuli habana kupila.” Se nli, “Na ku sepisa, habana kupila. Ni ka ba katanyeza mwa mukwakwa nako yeñwi, inge ba zamaya, kipeto Ni ka ba hata ni mota, mwabona.” Mi se Nili, “Ni ka ku bulaela bona.”

417 Kono kana mwa ziba? Na muisa ku Kreste muuna yani, na mu kolobeza ka Libizo la Jesu, ni ku mu pumbeka nako ya kushwa kwa hae. Eeni, sha. Ne se ni bakile mwendi lilimo zepeli cwalo kuzwa fani. Ne se ni bona lika ka kushutana fani, mwabona. Ne ni mu lata kufita ku mutoya.

418 Kacwalo he, kono, kakuli, nekuna ni Fritz inga yemi fani, inge ali lwaza kwa lizoho. Mi Ne nili. . . Na talima.

419 Ne ni sa lili. Hakuna yana lila. Neli fela tabo kihona. Nemusike mwa tomoha pilu, kakuli neli fela nyakalalo. Ne musike kushwa, kakuli neli fela Bupilo kamukana. Mwabona? Mwabona? Ne musike kusupala, kakuli neli fela bunca. Mi zeo kona . . . Ki bunde fela. Na hupula nali, “Oh, ha ki bunde ni boo!” Mi bolule-lule . . . Oh, mawi! Ne ni lukuluhile luli, mwabona.

420 Mi—mi ona fani fela Na utwa Linzwi. Mi La huwa, lali, “Kaufela so no lata . . .” mupuzo wa sebelezo yaka. Ha ni tokwi mupuzo. Miali, “Kaufela zo no lata, ni zekile za kulata kaufela, Mulimu uku file zona.”

Se nili, “Ku lumbwe Mulena!”

421 Na ikutwa lisheha. Na hupla kuli, “Ki butata mañi? Ni ikutwa lisheha.” Na fetuha ni kutalima kwa mulaho. Mi fa mumbeta, mubili waka no sweli kushenya. Na li, “Oh, ha Ni lukeli kukuta, kaniti. Usike, usike wa ni lumeleza kuya.”

422 Kono Evangeli neina ni kukutazwa. Fa muzuzu nyana fela, Na ipumana fa mumbeta hape, mwabona, ona cwalo.

423 Ha ki kale hahulu mwendi ki likweli zepeli fela kwamulaho, mu . . . Mu li utwile ha li balwa mwa—mwa mutende waba Business Men’s *Voice*. Lifitile mwa lifasi kaufela, mwabona. Ni Muzwale Norman, mwahali mo, Ni sepa uteni mo busihu cwana. U li tolokile, ni ku li luma mwa mapampili. Li ile kai ni kai. Mi bakutazi ba ni ñolela, buñata bwa bona, mi bali . . .

424 Alimuñwi fa, Ni ka bulela fela yoo faa. Kubile mianda anda ya bona, eeni sha. Yo fa amata, ali, “Muzwale Branham, pono ya hao iteni mwa Business Men’s *Voice* . . .”

425 Mi Na itumela ku Tommy Nickels, neba inge kuli hasaliyo ni ba Business Men, ka nako yee. Ha ni zibi libaka, kono ha yo ni bona. Kono na li beile mwateni ka swanelo fela, fo ne Ni bulezi. Ona mwani mwa mutende waba trinitarian, na ize, “Kone Ni . . . Koo Paulusi na kolobelize ka Libizo la Jesu, ni kulaela sicaba kueza ze swana, Ni ezize zeswana.” Mwabona, na li ñozi fela ona cwalo mone liinezi. Mwabona? Mi kacwalo he Na—Na—Na hupla nali, “Mawi!”

426 Mukutazi yoo uñozi, kuli, “Muzwale Branham, pono ya hao . . .”

427 Kuli, kambe neli pono. Ali . . . Cwale, Ha ni lati kubulela kuli, “petuho.” Haiba Paulusi . . . Haiba Ne ni swelwi mwa lihalimu lapili le ni kubona sani, kucwani ka Paulusi yana swelwi mwa lihalimu la bulalu? Neli sikamañi sani? Na bulezi kuli mane na sa koni kubulela ka zona, mwabona, haiba na ngilwe. Haiba ne li kuswalwa, Ha ni zibi. Hanikoni kubulela. Ha ni koni kumi bulelela.

428 Kono mukutazi yo naize, “Muzwale Branham, pono ya hao ne i utwahalile kuba ya Mañolo luli kufitela ubulela pizi kuba kwani.” Ali, “Pizi mwa Lihalimu?” Ali . . . Cwale mubone muuna

wa mukutazi yani, butali, ngana? Mwabona? Ki hali, “Lihalimu ne li bupezwi batu, isiñi lipizi.”

429 Kihande, Na ina fafasi. Billy, mwana ka fa, abeya liñolo mwa ofisi ya kale ya keleke, seli likweli zetalu kamba zene kwa mulaho.

430 Se nili, “Muzwale waka yomunde, Ni komokiswa ki butali bwa hao, kono, ni kuziba Mañolo kwa hao. Ne ni si ka bulela kuli Nenili mwa Lihalimu. Ne ni bulezi kuli neli mwa sibaka inge paradaisi, kakuli Kreste na sa li fahalimu, mwabona. Kono,” Se nili, “haiba si ka ku tusa, u apule mwa Sinulo 19. Mi Jesu ha zwa mwa mahalimu a Lihalimu, U pahami fa pizi yesweu, ni balumeli kaufela ni Yena ba pahami lipizi.” Kiniti. Kicona. Eeni, kiniti.

431 Mi fahalimu mwa Sibaka se si swana sani, nekuna ni alimuñwi yana bonahala inge mbande, mi yomuñwi na bonahala inge komu, mi yomuñwi. . . Kihande, mawi, kanti lipizi za Elia ne li zwile kai? Si bonisa fela, mwa bona, ngana ya butu itabelanga fela za kunyaza. Ki niti.

432 Cwale mulemuhe. Kono Ne ni sweli fela kunahana, sina muzwale yomunde yoo, wa bumulimu, John. . . Ne ni hupula fela kuli ikona kuba sibaka sesinde kubeya mwateni seo, lu si ka kwala fela, mwabona. Haiba Joani na talimile Kwani, mi bani neli banaho yena, mwabona, bahabo yena bene ba nyandile hanyinyani; mi, mwabona, Mulena Mulimu u ni lumelelize kubona mizwale ya ka ni balumeli bene ba libelezi Kutaha kwa Mulena. Mulemuhe, nebasi mwatasa aletare ya sitabelo; baka nebasiyo mwani. Kono, baa nebali mwateni, nebali babulaiwa. Mwabona? Baka nebasiyo mwatasa aletare ya babulaiwa.

433 Cwale Ni bata kuli muteeleze hande ka tokomelo. Mi Ni ka kwala, niti, mwendi ka mizuzu ye lishumi kihona, ka teni kiloko, haiba Ni lukela fela kupumela fa ni kufeza kamuso.

434 Amutalime. Bona, bonane ba si baka. . . bao Mulena na ni bonisize, ki Munyaliwa, Na siyo mwatasa sibaka sa babulaiwa, batili, aletae ya sitabelo sa babulaiwa; kono ne ba amuhezi liapalo zesweu, ka kuamuhela sishemo sa swalelo ya Linzwi lelipila. Kreste na ba file siapalo sesisweu. Ha ni sepi, ka kukwalulwa. . .

435 Kamba, Na nahana, nitaluse, ka kukwalulwa kwa Liswayo la Buketalizoho le, sina ha Ni lumela, kuli Li kwaluhile ku luna. Ni li ezize ka lilzwalo lelinde, ka sinulo ye kwahile fapila Mulimu. Ha ki kulika fela ku ikezeza, kunahana, kakuli Ne ni li ya lwanisanga kopano kamita, hanikoni ku fumaneha kuzona. Kono I kwaluhile kuna cwale.

436 Mi Ni nahana nto isili. Ka kukwalulwa kwa Liswayo la Buketalizoho, mwa lizazi lee, si otoloha hande tuto kulo fa, kuli Ni bulele zateni, za moyo o lobezi. Cwale, Ni lemuha kuli kuna ni sicaba mo se si lumela cwalo, mwabona, mwa kulobala kwa

moyo. Ni sepa Se sa hana ze cwalo. Ha i si ka lobala. Ya pila. Mibili ya yona, iloezi. Kono, haili moyo, isiñi mwa libita, i mwa Kubatani kwa Mulimu, mwabona, mwatasa aletare.

⁴³⁷ Fa kona fo Ni shutanela ni muzwale yomunde, wa muluti. Mi, Ni lemuha kuli, Na ziba Ni boni babañwi ba sicaba sesiliteni mo. Kuli, Ni lemuha kuli yo ki muluti yomutuna. Ki dokota, mi ki—ki Dokota wa za Bulapeli, mi wa Ph., LL.D. Mi ki—ki muuna yomunde luli, niyena. Ni sepa sa timezi, ka nako yee. Kono nali muuna yomunde, mi ki muñoli yomunde. Mi ki Muzwale Uriah Smith, muña buka yeli *Daniel and Revelations*. Cwale, ku mina sicaba baba latelelanga lituto za hae, mwabona, cwale ha Ni lati . . . Ha ni yo fela . . . ha ni lati kubulela se ka buipabazo, kono Na fela . . . Mwabona?

⁴³⁸ Kono, Muzwale Smith, ni kulika kuyemela, mwabona, ni kulika kuyemela mioyo ye lobezi, mwani u bulezi kuli, “Moyo u lobezi. Mi hakuna aletare ya sitabelo mwa Lihalimu. Kuli, aletare fela ye bulezwi,” kuli u—u lumela kuli yeliteni mwa Lihalimu, “ki aletare ya insense.” Kono ku mina sicaba sesinde . . . Mi kusina kushutana ni muzwale waka. Ni ka ba ya . . . ni sepa ku mu katanyeza kwa neku la mwa buse, mwabona. Ha ki kushutana ni muluti yomutuna yani.

⁴³⁹ Kono ki ku mi bonisa fela Se mo si shutanela ni sani, mwabona. Sa li hana. Kukwaluha kwa Liswayo le, mwa lizazi la mafelelezo le, si lwala fela moyo o lobezi kuzwa mwa nzila. Mwabona? Ba pila. Ha ba si ka shwa. Mwabona? Mulemuhe.

⁴⁴⁰ Mulemuhe se cwale. Cwale, haiba hakuna aletare ya sitabelo mwa Lihalimu, si kai sitabelo sa libi se si beilwe kwani he, ki Ngunyana nji? Ku lukela kuba sibaka ko Ngunyana yetabilwe yani, ye lota mali, ilobezi kwani, koo Mali . . . ki.

⁴⁴¹ Cwale, insense neli minunko yende, mafula anunka hande ana cisiwa, yeo Bibeles ibulezi kuli ki “litapelo za balumeli.” Haiba hakuna sitabelo fa aletare, kona kuli litapelo halikoni ku amuhelwa. Fela ki Mali, fa aletare ya sitabelo, se si lumeleza litapelo kuya kupunya ku Mulimu.

⁴⁴² Muzwale Smith na fosize, mwabona. Ha ni mu kananisi; Ni sepa Ni bulezi ku utwahalile, ka lilato la sizwale ni ka likute kwa musebezi omutuna wo, mwabona. Kono na fosize.

⁴⁴³ Liswayo la Buketalizoho li kwaluzi seo, mwabona, mwabona; lika zeñwi zeñata, haiba mu li sweli. Mwabona? Ni libelela lipuzo za ka, mwabona, haiba Ni . . . Ku lukile.

⁴⁴⁴ Cwale, areka neili kai; ba bulaiwa, baba holofezi, baba lota mali, Ngunyana yelota mali ya sitabelo, ya litapelo za minunko yende yee?

⁴⁴⁵ Mulemuhe, Bibeles ibulela kuli, “Haiba tabernakele ya lifasi ye mona mo lupila i sinyeha, luna ni iliñwi ye libelezi.” Kwani kona ko ne Ni boni balumeli bani. Mwabona?

446 Mutalime mbututu ha...Mu ni swalele hape, likezeli, ka kubulela patalaza cwana fapila micaha banana. Kono, mutalime. Haiba me u itwezi, ni misifa yani yetisa mata yatatana ni kutulatula, mwa utwisisa, ki mubili wa nama. Mi fela sina za taho mo li ezeza kwa mubili wa nama. . . .

447 Kana u lemuhiye musala hao mwana a si ka pepwa kale? Yena kamita, kutaha ona cwalo, nako yamafelelezo, uba yana ni sishemo luli, ya lilato. Haiba nasiyo cwalo, bupilo bwa hae kaufela, ukaba ya lilato ka nako yeo. Kana mu lemuhiye mwa bela wa maoyo, maikuto a bunde ani, mu lemuhiye kuli me ucwalo?

448 Mi mu ka bona muezalibi kwani, yasweli kuseha musali ya—ya itwezi. Ni sepa kumaswe. Bwani ki bupilo bo butaha mwa lifasi.

449 Kono kana mulemuhiye, kuina bukaufi ni me yani kuna ni maikuto amande? Ki sikamañi? Ki mubili nyana wa moya, bupilo bwa moya, o libelezi kukena mwa mubili nyana wani u sa pepwa fela. Cwale u pepilwe fela unosi; kono, ha u pepwa, wa pepwa. Mubili wa moya u tamahana ni mubili wa nama.

450 Mi, he, Bibehe iluta kuli cwale lu pepilwe ki Mulimu. Lu pepilwe ka Moya o Kenile, kuli, ku luna kuna ni Krete, mwana Mulimu ya bupilwa ku luna. Mi cwale mubili wa lifasi wo ha u sinyeha, ona mubili wa moya wo utaha kuzwa kwa mala a lifasi, kuna ni mubili omuñwi o libelezi ku uamuhela. “Haiba tabernakele ya lifasi ye iwa, kuna ni mubili omuñwi o lukela ku i amuhela.” Mubili wa nama wo uka apala ku sa shwa. Se si sjhwa se si ka apala ku sa shwa. Se, mwabona se Ni talusa? Kuna ni mubili wa nama oli wa sibi; kono, mwa sibupeho sa ona, kuswana fela sina ona, kuna ni mubili omuñwi o luya kuona.

451 Mi ni itumela hahulu ku Mulimu kuli Ni kona kubulela, sina mulisana wa mina ni muzwale, Ni boni sicaba sani, kacwalo ni tuse, mwa mubili wani, ni basweli mwa mazoho aka. Yeo ki niti. Mulemuhe.

452 Mutalime. Mutalime Mushe, Elia. Kasamulaho Mushe ha sa shwile, ni Elia sa ngezwi kwa Lihalimu, a yema fani fa Lilundu la Petuho ni ngana ya hae ya kubulela, ya kuutwa, ya kuutwisisa, mi na ambola ni Jesu asika kokotelwa kale. Cwale, na na ni mubili wa mufuta mañi?

453 Mutalime ku Samuele, kasamulaho wa kushwa mwendi fa myaha yemibeli. A bizwa kuzwa mwa—mwa liñope busihu bwani, ka muloi wa musali kwa Endore, mi a ambola ku Saule mwa mushobo o utwahala; autwa Saule, abulela ni yena, mane ni kuziba litaba ze ne ka to ezahala. Niteñi, moya wa hae no si ka fetulwa. Na li mupolofita.

454 Moya wa Elia ha utaha ku mutu, uka muzamaisa aeze sina Elia. Ukaya mwa lihalaupa. Uka lata lihalaupa. Ukaba mutoyi

wa basali babasina buiswalo. Uka lwanisa likopano. Haana kuhohana ni mutu. Mi zeo fela. . . Zeo ki, woo ikaba moya wa hae. Ne li, nako ifi kaufela ha ne utaha, mwabona.

Mushe ukaba mutu ya swana.

Cwale, mi lu fumana cwana, mwa Sinulo 22:8, kinto yeswana.

⁴⁵⁵ Cwale, kamba ku litoma hande, kubani baba. . . Mioyo yani (cwale amutalime se) mwatasa aletare, ka za kumamulwa kwa Liswayo le, ye ne bulailwe mwa nako ya lifu la Kreste ni kungelwa kwa Kelele; sikwata sa Eichmann, ni zani kaufela, Majuda ba niti bani ni mabizo a bona mwa Buka. Haiba muka lemuha, muzwale waka, kuya ka Mañolo, ne ba kona kubulela, kuhuwa, kubulela, kuutwa, mane nebana ni maikuto aketalizoho kaufela. Ne ba si ka lobala mwa libita, kusina ze ba ziba. Ne ba tona luli, mi neba ambola, kubulela, kuutwa, sika sifi kaufela. Kana ku cwalo? [Kopano ili, “Amen.”—Mu.] Oh, lu tuse!

⁴⁵⁶ Mizuzu yemibeli. Amen. Na. . . muniswalele Ni mi inisize licika la hola. Batili, Hanikoni, Ha ni lukeli kubulela cwalo, mwabona. Mwabona? Yeo ki niti, mwabona.

⁴⁵⁷ Kono, mutalime, ze ki ka kutwisiso yaka, yende. Mi ni ka kuya ka sinulo ye filwe kuna kakusasana cwana li sika pazula fela kale, ki Mulena Jesu Kreste, koo kona kukwaluha kwa Liswayo la Buketalizoho, ku zamaelela hamoho ni zene. Ka sishemo sa Hae, U si file ku na, sishemo sa Hae ku mina ni ku Na. Lwa itumela ku Yena ka Zona. Mi, ka tuso ya Hae, Ni itakaleza kupila bukaufi ka. . . ha nze Ni pila, ni kuluta babañwi kueza zeswana, kufitela Ni Mu katana, hamoho ni mina, mwa Kanya, foo lika kaufela ha se li felile. Na Mu lata ka se, mi kuya ka kuziba kwa ka hande ka Zona.

⁴⁵⁸ Mi Na luli na lumela, ka pilu yaka kaufela, kuli sinulo ya niti ya kupatululwa kwa Lapili, Labubeli, Labulalu, Labune, ni Liswayo la Buketalizoho, li kwaluhile cwale ku luna.

Na Mu lata, Na Mu lata
Kakuli U ni latile

[Muzwale Branham uambola ni yomuñwi mwatasi—Mu.]

Fa Kalvari.

[Muzwale Branham ukala kuñuñuna *Na Mu Lata*—Mu.]

⁴⁵⁹ Cwale, ka kukuza, ka likute, fapila Mulimu! Sina ha lu boni Liswayo le kukwaluha kuluna, Mulimu ka kunga bana ba Hae baba latwa ni ku fougaza meto a bona, ni kuba luma, kakuli kuluka—kuluka kwa Hae kutokwa katulo ya sibi. Munahane ka zona. Kuluka kwa hae, ni kukena kwa Hae kutokwa swanelo mwa katulo. Mulao o sina katulo ha ki mulao. Mi milao ya Hae tota, Kasibili, Hakoni ku i hatelela ni kusiyala ali Mulimu.

460 Ki kabakaleo Mulimu ha na bile mutu. Na si ka nga sa kuyolisa, mwana ya na si. . .mwana wa fela fela ku Yena, kamba sesiñwi fela. Mulimu atoba zepeli, Jesu nabile zepeli cwalo Mwana ni Mulimu, nzila inosi fela ya Na kaeza ka yona. Mulimu na ikungezi mulatu, yena Kasibili. Nekusike kwaba hande, kuli auyendeke ku mutu usili, mutu yomuñwi. Kacwalo, Mutu wa Jesu yani neli Mulimu, ya bonahalile mwa nama, yebizwa Emanuele.

461 Mi ka kueza cwalo, ni kunga Munyaliwa, ni kupilisa sikwata se si latehile sa bahedeni Bamacaba, Na foufalize bana ba Hae Tota. Mi ni ku bafa koto ka zona, mwa nama, ka ku muhana. Kono sishemo sa Hae sa tisa liapalo. Kono, haili Bupilo, mwabona sene si ezahalile.

462 Mi haiba Na ezize cwalo, kuli luna lube ni kolo, lukona ku isinyeza cwani kolo yeo mwa lilato? Haiba kuna ni mwa muyaho wo, busihu boo, mutu yoo, mwanana kamba yomuhulu, ya keshebisize kolo ya teko yetuna ye tandile Mulimu tifo yetuna hakalo yani, mi utabela kuamuhela mpo yeo ku Mulimu, busihu boo; kuli hautokwi kuba, kuya ka mo lu zibela, kuba mubulaiwa, ni ha u kona kuba cwalo. Kono siapalo se sisweu si filwe ku wena. Mi haiba Mulimu ungongota fa pilu ya hao cwale, kiñi ha u sa iamuheli! [Muzwale Branham ungongota fa katala linako zetalu—Mu.]

Cwale ha lu inamiseñi litoho zaluna hape.

463 Haiba mutu yoo, kamba batu, bateni moo, ba ba lakaza cwalo, kamba baba lata kuamuhela seo ka mayemo a tumelo ya hao mwa Mali a suluhile ao Mulimu na suluzi ka wena, anyanda kufita mutu ufi wa nama kaufela. Hakuna mutu yakona nyana sina cwalo. Kufitela, manyando a Hae Tota kona ana kauhanyize mezi a Hae kwa Mali a Hae, mwa misinga ya Hae. Asika ya kale kwa Kalvari, malotelo a Mali na zwa mwa mubili wa Hae, ka manyando amatuna cwalo ni kulobeha pilu kona za Na ezize. Kono, na ka li hana, mane. Kono, ka kuitakaleza a kuezeza zona ni Na. Kipeto uhané lilato lelisina tikanyo leo?

464 Mi mwa bona kuli cwale, ka kukwaluha kwa Maswayo aa; kuli ze muezize, ni zeo Mulimu ami ezelize. Mi u itukisa kufa bupilo bwa hao ku Mulimu, mi haiba Aku zwise mwa mazoho a antikreste mo ufumaneha cwale, kikuli uka amuhela mpo ya Hae, ka kunanula fela lizoho la hao ku Yena, uli, “Mulimu, ka se, Na bonisa, Na amuhela mpo yeo ya sishemo”?

465 “Mi, Muzwale Branham, Ni lakaza litapelo za hao, kuli Ni be ya sephala kamita.”

466 Nanula lizoho la hao, Ni ka lapela. Mulimu aku fuyole. Mulimu aku fuyole. Utaluse cwalo cwale. Usike—usike wa eza cwalo haiba ha u talusi ona cwalo. Mi ona fo inzi foo, amuhela ona foo. Kakuli, uhupule, nosike wa nanula lizoho la hao kusika

Sesi ku bulelela kueza cwalo. Mi hakuna sesiñwi sesikona kueza cwalo kwanda Mulimu.

⁴⁶⁷ Kacwalo, cwale, ha mubona Mañolo handende inza patuluha! Mwabona zebile liezahala, mwahala masika, myaha yelikani yefitile, myaha ye mashumi amabeli kamba mashumi amalalu. Mwa libona ha li pakiwa handende. Mwabona Mañolo inza bulelela handende ze ezahalile, ni ze libelezi kuezahala. Mi, kuitinga fa mayemo a tumelo ya musebezi wa Kreste, fo uinzi cwale, ni kuli unanuzi mazoho a hao, uli, “Kuzwa ka muzuzu wo kuya kwapili, ku felile. Ni nga Kreste cwale kuba Mupulusi waka. Mi Ni ka pilela Yena, bupilo bwaka kaufela. Mi Ni lakaza Mulimu ku ni taza ka Moya o Kenile.” Mi haiba wa li kuba u kolobezwe ka Libizo la Jesu Kreste, siliba si ka ku libelelela.

Halu lapeleni.

⁴⁶⁸ Mulena Mulimu, kubile palo yetuna ya mazoho mwahala sicaba, a nanuhile. Ni ziba hande kuli ki Wena Mulena Jesu yaswana ya na luezelize swalelo, myaha yeñata kwa mulaho koo. Ni ka kubona Maswayo ani ha patululwa, ni lika zetuna ze ezahalile ona mwa myaha yelikani yee, Ni lumela ka pilu yaka kaufela kuli sikwalo sa sishemo si kala kukwaliwa, mi U itukisize kunga musipili wa Hao cwale ku pilisa sicaba sa Hao. Hakunze kuna ni sibaka, ni sikwalo si kwaluhile, sina mo ne kuinezi mwa mazazi a Nuwe, mioya yende ye yepila mwa mubili wa tabernakele yeka sinyeha zazi leliñwi, ye nanuzi lizoho la nama lani, mwahali a ku yona; bakeñisa buikolwisiso bwa—bwa yona ni buipuleli, kuli ba lumela ni kubata ku amuhela mubulelelo wa Hao ku bona, wa puluso, fa Buka ye mamuluzwi ye ya maswayo a kwaluhile ku luna. Fa ku bona, busihu boo, Mulena, siapalo sa kuluka kwa Jesu Kreste, mi ba tinisise mioyo ya bona ka sona, kuli bakone kuyema fapila Hao ka Lizazi lani le li sutelezi fakaufi, hande, ka Malil a Kreste.

⁴⁶⁹ Mulena Mulimu, haiba ha ba si ka kolobezwa kale ka Libizo la Jesu Kreste! Ni ka sinulo Yo ni file kuamana zona; ni ka kubona kuli Paulusi na laezi sicaba sene si kolobelizwe ki Joani Mukolobezi, kuli si kolobezwe sinca ka Libizo la Jesu Kreste, kuli si amuhele Moya o Kenile, mwa Likezo 19. Ni kupa kuli Uba fe kukolwa, Mulena, kwa Niti, mi ba utwe Wena.

⁴⁷⁰ Mi cwale ka ku utwela kubaka kwabona, ni ku utwela buipulelo bwa bona, baye kwa mezi; mi Wena, ha ulaba, u ba taze ka Moya o Kenile, kwa mata a sebelezo, bupilo bwa bona kaufela. Ni ba beya cwale ku Wena, ka Libizo la Ngunyana ya Mulimu ya sitabelo, Jesu Kreste. Amen. Amen.

Na Mu lata, Na Mu lata
Kakuli U ni latile
Ni kuleka puluso yaka
Fa Kalvari.

⁴⁷¹ Cwale, ku mina baba nanuzi mazoho a mina. Mu utwele taelo ya Moya, ye ka latelela mu—mu mulao wa Linzwi, ku muezalibi ya bakile. Mu ilatelele, mwa kezo kaufela. Mi Mulimu wa Lihalimu uka mi fa mupuzo ka ku Mu yemela. Mulena mi fuyole.

⁴⁷² Kamuso busihu, mutise lipotoloto za mina ni mapampili, cwale, sina mo mubile muezezanga. Lu kulubela kuba mo ka nako yeswana, ka sebene-seti, isakwana fela, haiba Mulena alata. Mi ka . . . mu ni lapelele, kuli Mulimu uka kwalula Liswayo la Busilezi ku na, kamuso, kuli Ni kone ku Li tisa ku mina kuya mo Aka ni fela Lona. Kufita nako yeo, luopele hape. Isiñi fela ka lipina, kono ka milumbeko ya Hae yana shwile mwa sibaka sa luna ni ku lu liulula. *Na Mu lata.* “Na . . .”

Ki yo mulisana wa mina cwale.

. . . Mu lata, Na Mu lata
Kakuli U ni latile pili.



LISWAYO LABU KETALIZOHO LOZ63-0322
(The Fifth Seal)

MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kutalizwe lwa pili mwa Sikuwa la Bufaifi manzwibwana, Liatamanyi 22, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org